

ACTA APOSTOLICAE SEDIS

COMMENTARIUM OFFICIALE



SUMMARIUM

Acta Pii Pp. XII: *Constitutio Apostolica*: De spiritali emigrantium
cura, pp. 649-704.

TYPIS POLYGLOTTIS VATICANIS

M • DCCC • LII

Directio:

Palazzo Apostolico — Città del Vaticano

Administratio:

Libreria Editrice Vaticana

Pretium annuae subnotationis:

In Italia, Lib. 1000 — extra Italiam, Lib. 2000 vel \$ 5

Pretium unius fasciculi:

In Italia, Lib. 80 — extra Italiam, Lib. 190 vel \$ 0,30

Libreria Vaticana subnotatoribus fasciculos Commentarii mittere potest etiam via aërea, charta indica impressos.

« Bis fere in mense (Commentarium) prodibit ac quotiescumque vel necessitas vel utilitas id postulare videbitur » (Ex Commentarii Officialis ratione, die 29 Octobris 1908 edita).

ESPLORAZIONI SOTTO LA CONFESSIONE DI SAN PIETRO IN VATICANO

Eseguite negli anni 1940-1949. Relazione a cura di B. M. APOLLONJ GHETTI - A. FER-
RUA S. J. - E. IOSI - E. KIRSCHBAUM S. J. - Prefazione di Mons. L. KAAS Segretario
Economo della Rev. Fabbrica di S. Pietro - Appendice numismatica di C. SERAFINI.

I. LA NECROPOLI — II. LA MEMORIA — III. LA BASILICA

VOLUMEN I: *Textus* - pag. XIII et 278, cum 209 imaginibus diagrammatum ac phototy-
piis; ac praeterea cum 10 tabulis extra textum, quarum sex coloribus ornatae.

VOLUMEN II: *Tabulae* CIX, quarum CIII phototypiae sunt, quae imagines photographicas
referunt; VI vero diagrammata in replicatis foliis.

Duo volumina in folio (cm. 39×28) ex optima charta constant, ac linteo rubro, aureis decorato
ornamentis, contexta sunt.

Pretium duorum voluminum: Lib. It. 45.000; extra Italiam \$ 80, vel Lib. Angl. 32-0-0.
In libellarum Italicarum pretio expeditionis expensae non comprehenduntur, quae pro rerum adiunctis
computantur.

RAFFAELLO

STANZA DELLA SEGNAURA

PRESENTAZIONE DI BARTOLOMEO NOGARA

Pagine 20 di testo con 6 illustrazioni in rotocalco in colore nero e 32 tavole in offset
a 7 colori. Ogni tavola è applicata su un supporto di cartoncino del formato 33,5×43,
schermato da una cornice dello stesso cartoncino, recante in basso a destra le chiavi
pontificie decussate in rilievo a secco. Il tutto è raccolto in una artistica e solida cartella
in mezza tela di lino grezzo.

Edizione nelle lingue francese, inglese, italiana, spagnola, tedesca

Riproduzione perfetta di una delle massime opere di Raffaello eseguita dal 1509 al 1511 per
ordine di Papa Giulio II.

Peso Kg. 3,650 - Prezzo Lit. 12.000 o \$ 19 o Lst. 7-8-9

LE SCULTURE DEL MUSEO GREGORIANO EGIZIO

CON PREFAZIONE DI BARTOLOMEO NOGARA

Vol. IX della Collezione «Monumenti Vaticani di Archeologia e d'Arte» — Un vol. in-4° (cm. 24×34)
pp. VIII-172. Tav. LXXXIX, legato in tutta tela, peso Kg. 2,250. Prezzo Lit. 16.000 o \$ 25 o Lst. 10.

Il presente catalogo elenca ed illustra scientificamente tutte le sculture: faraoniche, tolemaiche e di imita-
zione romana, contenute nel museo gregoriano egizio. È la prima pubblicazione del genere relativa alle
collezioni di questo museo.

La illustrazione archeologica ed artistica è dovuta al Prof. P. Romanelli, la traduzione dei testi gerogli-
fici che accompagnano i pezzi al Prof. G. Botti.

L'opera offre un notevole contributo agli studi di egittologia, ed anche, attraverso le sculture di imitazione
egizia di età romana, alla conoscenza del gusto artistico in Roma in taluni periodi della sua storia.

Il Direttore Generale dei Musei Pontifici Prof. B. Nogara ha premesso una sua prefazione al testo; a
questo segue una appendice di C. Pietrangeli relativa alla provenienza degli oggetti illustrati, interessante
per la storia della formazione delle collezioni vaticane.

Veneunt apud: LIBRERIA EDITRICE VATICANA — CITTÀ DEL VATICANO

ACTA APOSTOLICAE SEDIS

COMMENTARIUM OFFICIALE

ACTA PII PP. XII

CONSTITUTIO APOSTOLICA

DE SPIRITUALI EMIGRANTIIUM CURA

PIUS EPISCOPUS

SERVUS SERVORUM DEI

AD PERPETUAM REI MEMORIAM

Exsul Familia Nazarethana Iesus, Maria, Ioseph, cum ad Aegyptum emigrans tum in Aegypto profuga impii regis iram aufugiens, typus, exemplar et praesidium exstat omnium quorumlibet temporum et locorum emigrantium, peregrinorum ac profugorum omne genus, qui, vel metu persecutionum vel egestate compulsi, patrium locum suavesque parentes et propinquos ac dulces amicos derelinquere coguntur et aliena petere.

Decreverat enim omnipotens et misericors Deus ut consubstantialis Filius « in similitudinem hominum factus et habitu inventus ut homo », ¹ una cum Virgine Immaculata Matre pioque Custode, in isto quoque aerumnarum ac maerorum genere primogenitus esset in multis fratribus ² eosque anteiret.

Quae solaminis in adversis argumenta et exempli prolationes ne elanguescerent sed potius in exsulibus ac emigratis producerent unum in laboribus confugium spemque christianam

¹ *Phil.*, II, 7.

² *Cfr. Rom.*, VIII, 29.

foverent, oportuit peculiari cura sedulaque adsistentia ab Ecclesia ipsi donarentur, qua morigerae vitae aleretur praxis et integra servaretur a maioribus tradita fides; insimul novi generis obstaculis apud exterarum regionum ingruentibus, antehac haud cognitis nec praevisis, paria opponerentur remedia et apta suppeditarentur auxilia, praesertim adversus insidias pravorum hominum, impie, pro dolor, quaeritantium emigratorum consuetudinem potius ad spiritualem ipsorum ruinam quam ad materiale eorundem utilitatem.

Quanta vero angoris causae exstitissent immo et exstarent si huiusmodi evangelicum ministerium defecisset aut deficeret! Gravius enim dolendum foret quam tristibus divi Augustini temporibus cum Hipponensis Episcopus sacerdotes enixe hortabatur ne, prementibus calamitatibus, gregem ullo modo sine pastore derelinquerent, bona, si cum ovibus permansissent, futura ostendens, mala autem, si defuissent, certa praedicens: « Ubi si ministri desint, quantum exitium sequitur eos, qui de isto saeculo vel non regenerati exeunt vel ligati! quantus est etiam luctus fidelium suorum, qui eos secum in vitae aeternae requie non habebunt! quantus denique gemitus omnium, et quorundam quanta blasphemia de absentia ministeriorum et ministrorum! Vide quid faciat malorum temporalium timor, et quanta in eo sit acquisitio malorum aeternorum. Si autem ministri adsint, pro viribus quas eis Dominus subministrat, omnibus subvenitur: alii baptizantur, alii reconciliantur, nulli Dominici corporis communione fraudantur, omnes consolantur, aedificantur, exhortantur, ut Deum rogent, qui potens est omnia quae timentur, avertere ». ³

³ S. AUGUSTINUS, *Epistula CCXXVIII*, 8: Migne, *PL.* XXXIII, 1016 s.

TITULUS PRIMUS

DE MATERNA ECCLESIAE IN EMIGRANTES SOLLICITUDINE

I

Sancta igitur Mater Ecclesia, impenso animarum amore compulsa, partes universalis salvifici mandati sibi a Christo concrediti implere contendit, curam praesertim spiritualem etiam de peregrinis, de advenis, de exsulis, de emigrantibus universis pro viribus gerens ope in primis Sacerdotum, qui gratiae charismatum collatione ac divini verbi praedicatione christifidelium fidem caritatis vinculo sollicitè confirmarent.

Quae proinde hac in re Ecclesia longe anteactis temporibus gesserit, placet breviter tantum attingere; fusius autem quae nostra tempora respiciunt disseremus.

Primum ideo recolimus quae S. Ambrosius egit et verba ab ipso prolata, quum praeclarus ille Mediolanensis Pastor, ut deductos in captivitatem miseros, post imperatorem Valentem apud Hadrianopolim profligatum, redimere valeret, vasa sacra confregit, hac quidem ratione motus, ut egenos a damnis materialibus praecaveret eosque ab instantibus spiritualibus periculis, sane gravioribus, eriperet. « Quis autem est tam durus — sic Ambrosius — immitis, ferreus, cui displiceat quod homo redimitur a morte, femina ab impuritatibus barbarorum, quae graviores morte sunt; adulescentulae vel pueruli, vel infantes ab idolorum contagiis, quibus mortis metu inquinabantur? Quam causam nos etsi non sine ratione aliqua gessimus, tamen ita in populo persecuti sumus, ut confiteremur multoque fuisse commodius astrueremus, ut animas Domino quam aurum servaremus ». ¹

Enitet pariter nava Pastorum et sacerdotum alacritas, qui verae fidei beneficium hominumque commercium ac consuetudinem novarum regionum incolis comparare et irruentibus incultis populis, religioni christianae ac gentium humanitati uno tempore genitis, indigenarum consociationem afferre studuerunt.

Inclitos iuverit recolere religiosos Ordines pro captivis redimendis institutos, quorum sodales, Christi flagrantis caritate, haud exigua incommoda pro fratribus in vinculis tolerare non sunt dedignati, ut plurimos eorum libertate donare, aut saltem solari valerent.

¹ S. AMBROSII, *De officiis ministrorum*, II, 28, 136-137: MIGNE, PL. XVI, 148.

Novis autem detectis in aversa orbis parte territoriis, non defuerunt Christi sacerdotes impigri comites eorum, qui in illis regionibus colonias deducebant, sive ne isti a christianis moribus recederent neve ex comparatis terrenis bonis audaciae foret accessio, sive ut apte prompteque missionarii exstarent, qui indigenas, divini luminis adhuc penitus ignaros, Evangelium edocerent eosdemque uti fratres habendos proclamarent.

Neque silentio praetereundi sunt Ecclesiae praecones, qui Nigritas, domo nefarie ablatis et impiae negotiationi in Americae et Europae portibus obnoxios, ex abiecta condicione reficere contenderunt et Christo lucrifacere.²

Pauca etiam addere volumus de assidua cura praestita a piis sodalitatibus ubique christiani Orbis ac potissimum alma in Urbe, medio uti aiunt decurrente aevo, in peregrinorum commodum provide erectis; unde et innumera hospitia, xenodochia, ecclesiae et confraternitates nationales exorta sunt, quorum plura adhuc exstant vestigia. Inter illa specialiter notatu dignae sunt scholae peregrinorum, Saxonum, Langobardorum, Francorum et Frisonum, quae iam saeculo octavo ad Vaticanum prope sepulchrum B. Petri Apostolorum Principis constitutae

² Cfr. BENEDICTUS PP. XV, Epistola ad Paulinum Petrum S. R. E. Card. Andrieu, Archiepiscopum Burdigalensem, de stipe pro Nigritis corroganda in Epiphania Domini, *Quoniam africanarum Galliae*, 11 Februarii 1916, A. A. S., VIII, p. 57 s.: « quum misera et abiecta Nigritarum condicio Nobis pro apostolico officio magnae sit curae, ad te, dilecte Fili Noster, has litteras mittimus ut illis relevandis, quantum Nobis licet, operam demus. Vix est cur de probroso servorum commercio removendo hic plura perscribamus. Constat enim quantum in hac causa inde ab initio Ecclesia Dei gesserit, tum in omnibus hominibus eandem inesse personae dignitatem eosque pari omnes lure esse affirmando, tum ad mancipiorum manumissionem in spem caelestium bonorum cohortando, tum etiam proprias religiosorum familias vindicandis in libertatem servis instituendo. Attamen dolendum est tam foedam turpitudinis labem et maculam, quamquam magna ex parte iam sublatam, residere etiam nunc in humanae societatis corpore: quamobrem omnino decet praeclara huius Apostolicae Sedis erga homines promerita in hoc etiam genere studiose Nos persequi ». l. c., p. 57; S. C. DE PROPAGANDA FIDE, Epistola ad universos sacrorum Antistites de stipe colligenda pro Nigritis in Africa, *Summus Pontifex Leo XIII*, 29 Septembris 1919, A. A. S., XII, p. 74 s.: « Summus Pontifex Leo XIII, gloriosae recordationis, Nigritarum in Africa miseratus aerumnas, qui, in servitutem abducti, supremam animi atque corporis patiebantur laturam, per encyclicas Litteras, (*Catholicae Ecclesiae*) ad universos sacrorum Antistites catholici orbis die 20 Novembris 1890 datas (*Leonis XIII Pontificis Maximi Acta*, Romae ex Typografia Vaticana [1891], X, p. 312 ss.) eorum caritati summopere commendavit opus a Se susceptum pro Nigritarum in Africa tuenda libertate, illisque ab ethnica superstitione eruendis », l. c., p. 74. De immanitate servitutis tollenda ac turpi praesertim hominum mercatura Leo Pp. XIII egit in Epistola, Venerabilibus Fratribus Episcopis Brasiliae, *In plurimis*, 5 Maii 1888, o. c., VIII, p. 169 ss.

fuerunt ad subveniendum advenis, qui ex regionibus transalpinis Romanam peregrinabantur limina Apostolorum visitaturi. Hisce in scholis, propria ecclesia coemeterioque instructis, sacerdotes et clerici praedictarum nationum alebantur, ut curam materialem et spiritualem gererent suorum civium praesertim infirmorum et pauperum. Iis vero, insequentibus saeculis, alia addita sunt monasteria adnexaque peregrinorum hospitia Aethiopum scilicet seu Abissinorum, Hungarorum et Armenorum. Quae omnia feliciter redolent verba Apostoli Pauli conclamantis: «... necessitatibus sanctorum communicantes, hospitalitatem sectantes». ³

Quod autem consuetudo probaverat, sacrum nempe ministerium inter advenas et peregrinos utilius evadere si a sacerdotibus eiusdem nationis seu sermonis exerceatur, ubi praesertim agatur de rudibus aut in christiana catechesi vix instructis, Concilium Lateranense IV sollemniter confirmavit anno MCCXV probe edicens: « Quoniam in plerisque partibus intra eandem civitatem atque dioecesim permixti sunt populi diversarum linguarum, habentes sub una fide varios ritus et mores: districte praecipimus, ut Pontifices huiusmodi civitatum sive diocesum provideant viros idoneos, qui secundum diversitates rituum et linguarum Divina officia illis celebrent, et ecclesiastica sacramenta ministrent, instruendo eos verbo pariter et exemplo ». ⁴ Quod Ecclesia usque ad praesentes dies sancte servavit, paroeciis praesertim pro sermonis seu nationis diversitate conditis, immo et pro rituum varietate interdum dioecesibus peropportune erectis, ut mox exponemus.

Quantum vero huiusmodi paroeciae, frequentissime a peregrinis ex-petitae, dioecesibus ac animabus profuerint, norunt omnes dignaque co-honestant existimatione. Ideoque ipsarum moderamini Codex Iuris Canonici, praescripto canonis CCXVI ad paragraphum IV, consulere non praeteriit ita ut, Apostolica Sede gradatim adprobante, plurimae paroeciae nationales potissimum in America usque numerentur et Sacrae Congregationis Consistorialis decreto, ne alia afferamus exempla, in Insulis Philippinis paroeciae pro Sinensibus nuperrime sint constitutae. ⁵

³ Rom., XII, 13. Cfr. Insuper verba Novi Testamenti quibus vel hospitalitas commendatur: MATTH., XXV, 35, 38, 40; LUC., XIV, 13-14; I TIM., III, 2; TIT., I, 8; I PETR., IV, 9; III IOAN., 5-8; HEBR., XIII, 2; IAC., I, 27; vel hospitalitatis exempla referuntur: LUC., X, 38, et XIX, 6; ACT. AP., XVI, 15 et XXVIII, 2 et 7.

⁴ CONCILIUM LATERANENSE IV, c. IX, MANSI, *Sacrorum Conciliorum nova et amplissima collectio*, XXII, p. 998, Venetis, 1778.

⁵ S. C. CONSISTORIALIS, Rescriptum n. 510/52 quo ex Audientia Ssmi diei 10 Iunii 1952, Archiepiscopo Caebuano conceditur apostolicum indultum erigendi in archiepiscopali civitate paroeciam nationalem pro quindecim millibus immigratorum Sinensium.

II

Quamvis vero nulla prorsus exstiterint tempora, quibus Ecclesiae sollicitudines emigrantibus, exsulis et profugis hominibus defuerint, ne diutius tamen immoremur, postremi tantum aevi suscepta referenda censemus.

Nos autem rem aggressuros decet praevis quinquaginta volumina hic commemorare « De Charitate Sedis Apostolicae erga Gallos »⁶ in Va-

⁶ Arch. Vat. Em. Riv. Franc. Quinquaginta haec volumina, manu scripta, in folio, cm. 29x20,5, constituunt quod vulgo dicitur *Fondo Emigrati Rivoluzione Francese*, et ex peculiari tabulario proveniunt illius Institutionis OPERA PIA DELL'OSPITALITÀ FRANCESE nuncupatae, quae a Pio Pp. VI, anno 1792 elabente, Romae condita fuit et usque ad annum 1805 viguit, ad subveniendum Episcopis, clericis, monialibus permultisque laicis hominibus, qui propter furentem rerum novarum molitorum eversionem eorumque in catholicam Ecclesiam insectationem, e Gallia cito aufugerant et Urbem Ditionisque Pontificiae provincias, praesertim post Sabaudiam et Niciam occupatam, catervatim petierant. (Cfr. AUGUSTIN THEINER, *Documents inédits relatifs aux Affaires Religieuses de la France 1790 à 1800, extraits des Archives Secrètes du Vatican*, tt. I et II, Paris, chez Firmin Didot Frères, Fils et C^{ie}, 1858; Abbé E. AUDARD, *L'histoire religieuse de la Révolution Française aux Archives Vaticanes*, Extrait de la *Revue d'histoire de l'Eglise de France*, Septembre-Novembre 1913, Paris, Libraire Letouzey et Ané, 87 Boulevard Raspail; PIETRO SAVIO, *Clero Francese ospite nei Conventi di Cappuccini dello Stato Pontificio*, Estratto da *L'Italia Francescana*, anno VIII, fasc. I e ss., Isola del Liri, Società Tipografica A. Macloce e Pisani, 1933; SURREL DE SAINT-JULIEN, *Annales de Saint-Louis des Français* t. I [1896], pp. 327-341).

In hac voluminum serie innumera continentur documenta, pleraque nondum publici iuris facta: exhibentur enim autographae Episcoporum Pontificiae Ditionis litterae ad Secretariam Status et ad Praelatum regimini ecclesiasticorum e Gallia emigratorum specialiter addictum; scriptiones ab Operis Praeside apparatus et Officio publicis Ecclesiae negotiis expediendis exhibitae; nonnullorum Patrum Cardinalium et Legatorum scripta de exsulum conditione; Episcoporum et superiorum regularium relationes de Gallis profugis in dioecesi vel domo religiosa degentibus; epistolae quibus exsules vel auxilia postulabant vel grates agebant; impensarum, subsidiorum et omne genus auxiliorum rationes; diplomata liberi commeatus a Gubernatoribus Provinciarum exsulis concessa necnon testimoniales Praelatorum litterae ecclesiasticis viris datae, etc. Undecim insuper habentur exemplaria Litterarum Encyclicarum, quae, typis impressae, ab a. 1792 ad a. 1797 a Secretaria Status ad Episcopos Ditionis Pontificiae missae fuerunt ad emigratorum hospitalitatem fovendam apteque moderandam (cfr. *De Charitate*, vol. 50, ff. 1, 13 ss., 164 s.; vol. 24, ff. 105, 125, 130, 136, 143 etc.; SAVIO o. c. p. 29, n. 42). Inter cetera, in Encyclicis Litteris mensis Maii a. 1797 declaratur « la giusta Sovrana indignazione contro chiunque osasse di mancare al riguardi al loro Sacro Carattere, alla loro benemerenzza verso la Religione e a quella Ospitalità, dalla quale non cessa Sua Santità di sperare per gli amati Suoi sudditi e per lo Stato la pienezza delle Divine Misericordie: Non enim iniustus est Deus, ut obliviscatur operis vestri, et dilectionis quam ostendistis in nomine ipsius, qui ministrastis Sanctis et ministratis.

ticano tabulario asservata — praeclara revera testimonia constantis Romanorum Pontificum studii in miseros rerum publicarum eversionum vel belli causa extorres — quibus Decessorum Nostrorum Pii Pp. VI et Pii Pp. VII paterna illustratur cura pro Gallis impensa, qui, patria

(Hebr., VI, 10)» (*De Charitate*, vol. 24, f. 143); (cfr. E. AUDARD, o. c., p. 24: *Catalogue des fonds de l'Œuvre « De Charitate Sanctae Sedis erga Gallos »* [1792-1803]).

Titulus collectionis *De Charitate Sedis Apostolicae erga Gallos* a relatione — cuius exemplar quinquagesimum volumen exstat — deducitur quam Laurentius Caleppi sua manu conscripsit ac die 1 Augusti a. 1793 Summo Pontifici exhibuit: « De charitate Sedis Apostolicae tom... Al 1° di agosto, volendo umiliare a N. Signore un'idea compita del Piano della Ospitalità accordata nei Suoi Domini agli Ecclesiastici Francesi Emigrati, raccolti insieme le pezze principali colte quali si era eseguito il suddetto Piano, ed unitamente al Catalogo degli Emigrati, le presentai alla Santità Sua col titolo qui sopra indicato e colla Lettera qui appresso, con cui intesi di render conto a Sua Santità della mia Commissione » (*De Charitate*, vol. 24, f. 8). Praecipua huiusmodi documenta, quae Pius Pp. VI colligenda statuit, ut perenne firmissimumque exstaret monumentum testificans, inter cetera, infandas Ecclesiae Gallicanae calamitates aegrosque labores eiusque Cleri et emigratorum hominum eximiam animi virtutem, Pius Pp. VII ut in tabulario Vaticano religiose asservarentur mandavit (THEINER, o. c., II, pref. XXI). Quapropter Marcus Antonius Cattaneo, die 17 Iunii a. 1805, ad Caletanum Marini, Bibliothecae Vaticanae custodem, ita scribebat: « Rimette Cattaneo al gentilissimo e stimatissimo Sig. Abbate Marini il voluminoso archivio degli affari riguardanti gli Emigrati Francesi, accolti e nutriti per 13 e più anni in questo Stato di Sua Santità, quale, per sentimento dell'E.mo Sig. Cardinale Segretario di Stato, sarà bene di rinchiudere negli Archivi Vaticani a perpetua gloriosa memoria della beneficenza e carità della S. Sede, di cui quest'è nei presenti templi una nuova prova » (THEINER, o. c., II, pref. XXIV, n. 1).

Summus Pontifex memoratum Opus peculiari Commissioni, cui ipsemet praeerat et per Cardinalem a publicis Ecclesiae negotiis moderabatur, concedidit. Commissionis huiusmodi potissimum fuit: emigratorum Gallorum animae et corporis necessitatibus providere; advenientes exsules in provincias Ditionis Pontificiae dirigere et ad religiosas domos placue loca dirigere; diuturnas habere cum Ordinariis locorum, cum superioribus regularibus ac moderatoribus plarum institutionum, exsules excipientibus, necnon cum ipsis exsulis relationes; invigilare ne mali irreperant usus; petitiones recipere iisque pro facultate consulere. Ad regimen autem hominum a Gallia profugorum Praelatum specialiter deputavit, qui res in Commissione agendas appareret easdemque cito exsequendas curaret. Horum Praelatorum primus fuit electus Laurentius Caleppi (a. 1816 S. R. E. Cardinalis creatus), deinceps Ioannes Franciscus Falzacappa (a. 1823 S. R. E. Cardinalis), Emmanuel De Gregorio (S. C. Concilii a Secretis pariterque a. 1816 Cardinalis S. R. E.) ac novissime Marcus Antonius Cattaneo. Praelatus Laurentius Caleppi aptissima proposuit consilia seu *Piani dell'Ospitalità*, quae Summus Pontifex rata habuit ac perficienda decrevit per Secretariam Status et per nuper constitutam Congregationem Status negotiis Sardiniae regni a Gallicanis copiis occupati pertractandis (*De Charitate*, voll. 24 et 50; THEINER, o. c., II, pref. XXI-XXVIII; PIETRO SAVIO, o. c., p. 22 ss.). Quapropter opportuna data sunt praecepta Sanctae Sedis Legatis Augustae Taurinorum et Florentiae commorantibus, ut advenientes e Gallia exsules statuto ordine dividerent; in quinque maioribus Pontificiae Ditionis urbibus, i. e. Romae, Bononiae, Ferrariae, Perusiae et Viterbil, stationes ad emigrantes excipiendos sunt consti-

pulsi, vel in fines Pontificiae Ditionis ac potissimum Romam magna cum liberalitate fuerunt accepti vel alio confugerunt.

Digna quoque mentione recolere lubet Beatum Vincentium Pallotti Societatis Apostolatus Catholici Fundatorem. Is enim — quem Nosmet-

tutae et Antistites vel Gubernatores eorum a Secretaria Status litteras ac mandata de Gallis profugis primi recipiebant et ad Episcopos sui districtus remittebant curabantque ut Apostolicae Sedis placita perficerentur.

In praestanda Gallicis exsulis hospitalitate maxima est impensa ab Apostolica Sede pecunia: « Infatti si calcoli — a. 1793 Caleppi testabatur — il loro annuo mantenimento a soli 12 scudi l'uno l'altro, si avrà per duemila la cospicua somma di centomila scudi. Lo che ha fatto poi dire a parecchi Emigrati che Pio VI avea pagato da se solo il debito contratto dalla S. Sede con Carlo Magno » (*De Charitate*, vol. 24, f. 10). Sed fere viginti milia novimus fuisse exsules Gallos, qui spatio circiter annorum tredecim in Urbe et in Pontificiae Ditionis provinciis hospitio sunt recepti (THEINER, o. c., II, pref. xxxii). Quare, cum ante paucos annos Clemens Pp. XIII ad relevandam annonae caritatem ac reficiendos sodales e Societate Iesu, qui e multis Europae nationibus depulsi in Pontificiae Ditionis provincias confugerant, magnam scutorum summam ex sanctiori aerario Arcis S. Angeli extraxisset (Allocutio habita in Consistorio die 9 Aprilis 1764: *Bullarium Clementis XIII*, I, p. 871 ss., *Bullarii Romani continuatio*, pars II, t. III, Prati ex Typographia Aldina 1843), Pius Pp. VI idem facere non dubitavit, summam quingentorum milium scutorum ex eodem aerario sumens, non tantum ut prementibus consuleret Pontificiae Ditionis necessitatibus, sed etiam ut exsules filios quam maxime adluaret (Allocutio in Consistorio Secreto habita die 3 Decembris 1792: Pii VI P. M., *Epist. ad Principes*, an. XVIII, f. 203; THEINER, o. c., I, n. 54, p. 161 ss.): quod ipse munificentissimus gessit et numismate quoque signato, cui inscriptio erat PIVS VI PONT. M. AN. XXI - CLERO GALLICANO PVLSO HOSPIT. ET ALIM. PRAESTITA, die 4 Iulii anno 1795 perbelle sacravit.

In favorem insuper Gallorum exsulum Pius Pp. VI permultas conscripsit Epistolas sive Episcopis in Europae finibus degentibus sive Legatis Sanctae Sedis apud exteras Nationes sive catholicis et acatholicis Regibus et Principibus, quarum omnium nonnullas tantum meminisse iuvabit: Venerabilibus Fratribus Archiepiscopo Parisiensi et Episcopis Convenarum, Nemausensi, Macloviensi, Trecensi et Lingonensi, *Nova illa fuga*, 21 Novembris 1792 (Pii VI P. M., *Epist. ad Principes*, a. XVI, f. 112; THEINER, o. c., I, n. 25, p. 160); Venerabili Fratri Ioanni Francisco Episcopo Leonensi, *Inter angustias*, 2 Novembris 1793 (Pii VI P. M., *Epist. ad Principes*, a. XIX, f. 67; THEINER, o. c., I, n. 61, p. 194 ss.); Dilectis Filiis Praetori et Senatui pagi Friburgi ecclesiasticae libertatis defensoribus, *Valde gaudemus*, 20 Aprilis 1793 (Pii VI P. M., *Epist. ad Princ.*, a. XIX, f. 9; THEINER, o. c., I, n. 56, p. 169 ss.); Dilectis Filiis Bajulivo et Oratoribus septem Decennarum patriae Vallesiae, *Quae plurima*, 31 Augusti 1793 (Pii VI P. M., *Epist. ad Princ.*, a. XIX, f. 59; THEINER, o. c., I, n. 60, p. 193); Serenissimo et potentissimo Georgio Magnae Britanniae Regi illustri, *Non possumus*, 7 Septembris 1793 (Pii VI P. M., *Epist. ad Princ.*, a. XIX, f. 71; THEINER, o. c., I, n. 51, p. 159 ss.); Clarissimo regio Principi Augusto Magnae Britanniae Regis Filio, *Haud ingratum fore*, 2 Septembris 1793 (Pii VI P. M., *Epist. ad Princ.*, a. XIX, f. 6; THEINER, o. c., I, n. 62, p. 197); eisdemque, *Quo temporis momento*, 7 Septembris 1793 (Pii VI P. M., *Epist. ad Princ.*, a. XIX, f. 72; THEINER, o. c., I, n. 63, p. 198). At sufficiat aliqua referre verba ex Litteris Venerabilibus Fratribus Archiepiscopis et Episcopis ac dilectis Filiis, Abbatibus, Abbatissis, Capitulis et Clero tam

ipsi « Romani Cleri decus et ornamentum » ediximus ac in rutilans Beatorum agmen sub nuper celebrati universalis Iubilaei initium laetanter retulimus — animarum caritate compulsus et desiderio accensus Italarum in Angliam demigrantium fidem catholicam confirmandi, non-

saeculari quam regulari Germaniae, *Ignotae nemini sunt*, 21 Novembris 1792 (*Nuntiatura Galliae*, fol. 320; THEINER, o. c., I, n. 53, p. 162 ss.): « Ignotae nemini sunt, nec sine lacrimis commemorare causae possunt, propter quas Archiepiscopi, Episcopi, parochi, sacerdotes, clerici, sacrae virgines et plurimi ex regularibus regni Galliarum, illustrioribus editis suae religionis argumentis, coacti sunt suas derelinquere sedes, domicilia ac bona, diversasque petere cum catholicas tum acatholicas regiones, in quas facilius potuerunt confugere, ea apud exteros subsidia postulantes, quae a suis obtinere nequirent. Haec inclyti cleri in varias partes dispersio non potuit sane animos omnes non commovere: Nosque certe maxima laude cumulare debemus non solum principes, pastores et populos catholicos, qui per evangelium edocti, et verae charitatis spiritu inflammati hos benigne exceperunt fidei confessores eosque impensa sua alendos sumperunt; sed principes etiam, populos acatholicos, et in his praesertim Magnae Britanniae regem illustrem et inclytam illius regni nationem, qui omnes erga sui similes, ducti quodam spiritu humanitatis, ut ait Sanctus Ambrosius (*De Officiis*, II, 31), iisdem subsidia suppeditarunt, aemulantes gloriam antiquorum Romanorum apud quos videbatur valde decorum patere domos hominum illustrium hospitibus illustribus; idque etiam reipublicae esse ornamento, homines externos hoc liberalitatis genere in urbe nostra non egere (CICERO, *De Officiis*, II, c. 18). Ad Nos quod pertinet, qui licet immerito pastoris universalis, et patris omnium fidelium munus gerimus, majori, quam ceteros, onere obstrictos esse putavimus, promptam ferendi opem exsultibus hisce infelicibus, qui in nostrum sinum se coniecerunt. Persuasum enim Nobis satis superque est, nusquam justius, numquam posse liberalius erogari subsidia, quam in eos qui propter causam Christi rerum suarum dispendia pertulerunt, quique de sedibus suis contumeliose, et violenter ejecti peragrant regiones, atque inter ignotos vitam quasi solitariam degere compelluntur. Hinc a primo tam dirae huiusce insectationis initio patefecimus Gallis, sive ecclesiasticis, sive laicis, viscera pietatis, ipsosque cum omni beneficentia et gratia complexi sumus. Sperabant profecto hi exules aerumnosi se vitam ducturos, si minus commodam, at curis plane vacuum, atque tranquillam in iis ad quae appulerant locis: sed inopinati gallicarum copiarum progressus in Sabaudiam praesertim, et in civitatem comitatumque Niciensem, eosdem ad novam magisque lamentabilem fugam capessendam compulerunt. Nos equidem in iisdem charitatis sensibus, et in eadem voluntate defixi, inter ipsas rerum angustias, in quibus versamur, mandavimus atque praecepimus ut novi huiusmodi exules exciperentur atque alerentur non in nostra hac urbe dumtaxat, sed in provinciis etiam nostrae ditionis. Et hanc ipsam ob causam encyclicis litteris diei 10 mensis Octobris proxime elapsi excitandos curavimus venerabiles fratres archiepiscopos, episcopos ditionis pontificiae, ut eorum singuli una cum suo clero et cum locis piis suae dioecesis participes essent operum misericordiae nostrisque paternis curis obsecundarent. Ex quo factum est ut non modo memoratis venerabilibus fratribus et utroque clero saeculari ac regulari, sed multis etiam cuiusvis generis laicis certatim et summa cum laude nostrum exemplum imitantibus, adeo sit auctus novorum hospitem numerus, qui post Sabaudiam et Niciam occupatam excepti a Nobis sunt, ut ad bis mille hactenus excreverint. Scimus complures alios ecclesiasticos viros regni Galliarum favente carissimo in Christo filio nostro Francisco in Romanorum imperatorem electo, in Germaniam perrexisse, ubi minime necessariae essent hortationes nostrae ad auxilium et opem erga hos exules comparandam. Haud enim nos latet, venerabiles fratres, ac dilecti filii, vos pietate et charitate longe

nullos sodales, qui suorum civium spiritualem susciperent curam, Londinium misit; eidem vero demisse postulanti Decessor Noster *Pius Pp. IX* facultatem tribuit stipem corrogandi, qua in commodum praesertim Italicorum emigratorum a fundamentis excitaretur Londinii templum, Deo in honorem S. Petri Apostolorum Principis dicandum.⁷

* * *

Undevicesimo medio labente saeculo, quum numquam antea cognita praeberetur egenis bona fortunandi facultas, ingentesque hominum copiae ab Europae regionibus, ab Italia praesertim, Americam expeterent,

antecellere vetustissimam majorum vestrorum gloriam, quos memoriae proditum est, erga hospites mites, et humanos fuisse: peregrinis enim omnibus hospitium ultro offerebant hospitalitatisque inter se officiis certabant (Diodor., lib. V, post Tacit. *de morib. Germanor.*, et MELA, lib. III).

Pius Pp. VII, Decessoris nominis heres eiusque virtutum aemulus, Summo Pontificatu vix inito, in exsules caritatis opera pari studio est prosequutus: quod elucet ex epistula, quam clarissimus Hercules Consalvi, tunc Officii publicis Ecclesiae negotiis agendis Pro-Praefectus, Venetis, die 5 Aprilis a. 1800, ad Ioannem Franciscum Falzacappa iussu Pontificis remisit (*De Charitate*, vol. 22, f. 667; THEINER, o. c., II, n. 474, p. 631). Iam antea ipse Pontifex, cum Imolensis esset Episcopus, Decessoris Sui invitationibus pro excipiendis ac relevandis exsulis Gallis actuose respondere studuerat (*De Charitate*, vol. 11, ff. 366-380 et vol. 21, f. 210; THEINER, o. c., II, n. 455-57, p. 608 ss.). Huiusmodi vero caritatis officia in emigratos filios Pontifex sollicite gessit, donec, Conventionibus inter S. Sedem et Gallicanum Gubernium a. 1801 feliciter pactis, exsules omnes paullatim ad patriam suam redire potuerunt (THEINER, o. c., II, pr. XXIV). Hospitalitatis autem Opus, ut Caleppi verbis utamur, «sarà sempre memorabile nei Fasti della Chiesa» (*De Charitate*, vol. 24, f. 10 et vol. 50, initio).

⁷ Litterae Apostolicae, Venerabilis Dei Famulus Vincentius Pallotti, Sacerdos romanus, Fundator Societatis Apostolatus Catholici, Beatus renuntiatur, *Ineffabilis et amantissima Dei benignitas*, 22 Ianuarii 1950, A. A. S., XXXII, p. 176 ss.; Allocutio ad parochos Urbis et conclonatores sacri temporis quadragesimalis, habita die 2 Martii a. 1950, *Siate benvenuti*, A. A. S., XXXII, p. 302 ss. Referuntur textus supplicis libelli a Beato Vincentio Pallotti Pio Pp. IX missi et rescripti a S. Congregatione de Propaganda Fide dati: «18-6-1848. S. S. Papa Pio IX (O: Prop. Fide; C. a. C. R.) Beatissimo Padre, È noto alla Santità Vostra che alcuni Sacerdoti della Congregazione dell'Apostolato Cattolico stanno presentemente adoperandosi per procurare i mezzi onde fabbricare in Londra una Chiesa per comodo segnatamente degli Italiani, e che tal Chiesa sarà dedicata al Principe degli Apostoli S. Pietro. Ora ad ottenere che tal Chiesa sia fabbricata ed officiata al modo romano, e fermo rimanga lo scopo per cui viene fondata, il sacerdote Vincenzo Pallotti Rettore di detta Congregazione, e Società supplica umilmente la S. V. a volere benignamente concedere che la proprietà, direzione, ed amministrazione dei beni di detta Chiesa dovrà appartenere alla sua Congregazione finché essa esiste, ed abbia soggetti all'uopo idonei; e quando essa cessasse di esistere, o mancassero a lei soggetti idonei, sia alla S. Sede riservato il diritto di sostituire alla Congregazione stessa altra Congregazione, o Società di Preti Italiani. Che ... *Ex Audientia Ssmi habita die 18 Iunii 1848. Ssmus Dñus Noster Pius Divina Providentia Pp. IX referente me infra-*scripto Sacrae Cong. nls de Propaganda Fide Pro-Secretario perpensis expositis et audita

Catholica Ecclesia ad bonum spirituale emigrantium curam ac laborem superimpendit. Ipsa enim saeculorum decursu, pro sua erga filios caritate, apostolatus rationes progredienti populorum vitae novisque temporum adiunctis accommodatas non tantum cita probaverat, sed vigilantia induxerat studio, rem socialem, moralem ac religiosam in discrimine positam sedula advertens.

Industriam huius Apostolicae Sedis sollicitudinem, eo alacrius impensam quo segnius publicae auctoritates et privatae institutiones rem prospicere videbantur, acta Decessoris Nostri *Leonis Pp. XIII* aperte testantur. Qui, non modo humani laboris dignitatem ac iura strenue defenderat, sed etiam opifices in longinquis regionibus vitae necessaria lucraturus enixe contutatus est.

Primo enim vertente anno a Supremo inito Pontificatu, sodalitatem a S. Raphaële, suis civibus emigrantibus auxiliandis fructuose a Germaniae Episcopis erectam,⁸ die IX Iulii anno MDCCCLXXVIII complacita benignitate laudavit. Haec autem sodalitas in portibus tum profectionis tum appulsus et pro aliis gentibus utpote Belgicis, Austriacis et Italis, labentibus annis, aptissime est constituta.

Anno dein MDCCCLXXXVII utile ac opportunum agnovit, datis Litteris Apostolicis sub anulo Piscatoris, consilium initum a Servo Dei Ioanne Baptista Scalabrini, tunc temporis Placentinorum Antistite, « excitandi... sacrorum virorum Institutum, qui animum et voluntatem gerant in dissitas praesertim Americae plagas proficiscendi, sacri ministerii opem laturo multitudini Italarum fidelium, qui rerum necessitate ad demigrandum de patria compulsi, in iis regionibus domicilium statuerunt ».⁹ Inde vero, impigris sacerdotibus clarisque Praesulibus adiuvantibus, apostolicus ille Vir, quem de Ecclesia ac Civitate meritissimum Nos ipsi proclamavimus,¹⁰ Collegium sacerdotum fundavit « quo — ut iterum

informatione et voto R. P. D. Pro-Vicaril Apostolici Londinensis, benigne annuit pro gratia iuxta preces. Datum Romae ex Aedibus dictae S. Congregationis die et anno quibus supra. Gratis sine ulla omnino solutione quocumque titulo. Alexander Bernabò, *Pro-secr.* ». Cfr. etiam Litteras commendaticias a Sacra Congregatione de Propaganda Fide per Card. Iacobum Philippum Fransoni, eiusdem S. Congregationis Praefectum, ad Raphaëlem Melia e Societate Apostolatus Catholici, presbyterum Romanum et missionarium Apostolicum « qui iam per tres annos in praefata Londinensi urbe plurimum pro Italis adlaboravit » die 7 Decembris anno 1847 remissas (Arch. Vicariatus Urbis, Opera della Propagazione della Fede, XII, 1341).

⁸ Opus S. RAPHAELS-VEREIN ZUM SCHUTZE KATOLISCHER AUSWANDERER Moguntiae die 13 Septembris 1871 canonice erectum est.

⁹ LEO PP. XIII, Litterae Apostolicae sub anulo Piscatoris, *Libenter agnovimus*, 25 Novembris 1887.

¹⁰ Litterae Decretales, Beatae Franciscae Xaveriae Cabrini, Fundatrici Instituti

eiusdem Leonis XIII, in epistola de qua infra loquimur, exornatis verbis utamur — ecclesiastici viri quos Christi caritas urget, ex Italia conveniant, ut iis excolantur studiis, iis exerceantur muneribus eaque disciplina, per quam strenue et feliciter pene dissitos Italiae cives legatione pro Christo fungantur ». ¹¹ Nova itaque est efformata religiosa familia Missionariorum a Sancto Carolo pro Italis emigratis, cuius conditor Servus Dei celebratur.

Recensere pariter iuvat epistolam ad Archiepiscopos et Episcopos Americae, ¹² ab eodem immortalis Decessore Nostro anno insequenti datam, utpote quae uberem consiliorum copiam et alacrem virium contentionem in comparandum emigrantium bonum feliciter suscitaverit. Crebri tunc sacerdotes pluresque utriusque sexus religiosi sodales, hac moti ratione ut suis civibus longinque commorantibus opitulaturi adessent, undequaque Americas adierunt: tunc quoque sodalicia oborta et patronatus constituti, in commodum eorum qui ab Italia, a Germania, ab Hibernia, ab Austria et Hungaria, a Gallia, ab Helvetia, a Belgica, ab Hollandia, ab Hispania et Lusitania ad externa turmatim demigrarent; potissimum autem nationales paroeciae provectae sunt.

Qua pollebat sapientia quaque caritate, migrationi etiam ad tempus vel intra Europae fines productae consulere non praetermisit: a Romano Pontifice impertitas curas liquido testantur epistolae ad Italos Ordinarios a Secretaria Status non semel emissae. ¹³

Enixis vero Pontificis hortamentis motus et animarum actus bono, Ieremias Bonomelli, Cremonensis Episcopus, Opus Italiae operariis adiuvandis ad exterarum Europae regiones migrantibus constituit, unde plurima civilis cultus ac beneficentiae instituta et florentes secretariatus prodierunt ac, anno MCM, piis sacerdotibus et laicis bonae notae viris in opus adlectis, « missiones » in Helvetia, in Austria, in Germania et in Gallia frugifere sunt habitae. Tantum ne deficeret beneficium opus, post Praesulis obitum, Decessor Noster Benedictus XV Italorum opificum curam in Europae regiones emigrantium Ferdinando Rodolfi, Episcopo Vicentino, commisit. ¹⁴

Missionariorum a Sacro Corde Iesu, Sanctorum honores decernuntur, *Spiritus Domini*. 7 Iulii 1946, A. A. S., XXXIX, p. 44.

¹¹ LEO PP. XIII, Epistola, *Quam aerumnosa*, 10 Decembris 1888, *Leonis XIII Pontificis Maximi Acta*, Romae, ex Typographia Vaticana (1889), VIII, p. 383.

¹² Ibidem, pp. 380-384.

¹³ SEGRETERIA DI STATO, Circolare n. 57171, ad Archiepiscopos Italiae, *È noto come l'emigrazione temporanea*, 19 Giugno 1900, *Leonis XIII Pontificis Maximi Acta*, XX, pp. 168-172; Circolare agli Arcivescovi di Milano, Torino e Vercelli, 18 Maggio 1899.

¹⁴ S. C. CONSISTORIALIS, Notificatio, Circa Missionarios Operis de Adistentia Opera-

Neque supervacaneum hic erit multiplices institutiones memorasse pueris ac puellis alendis et educandis, nosocomia ceteraque benefacta pro diversi sermonis diversaeque originis fidelibus utiliter erecta, quae in dies magis magisque florent ac prospere vigent. Quasi stella hac in re praefulget Sancta Francisca Xaveria Cabrini, quae consilio praesertim et hortatu Servi Dei Ioannis Baptistae Scalabrini atque auctoritate suffulta eiusdem fel. rec. Leonis Papae XIII, qui illi ut non ad Orientem sed ad Occasum potius verteret oculos suaserat, ad Americae Septentrionalis regiones pergere constituit,¹⁵ tantaque caritate in inceptis perseveravit, ut uberrimos fructus referre valuerit et ob eximiam in Italos demigratos pietatem mirosque labores «mater Italicorum emigrantium» merito fuerit appellata.¹⁶

* * *

Catholicorum vero operum pro emigrantibus in Europam, in Orientales regiones ac in Americam composita ordinatio Decessori Nostro Beato Pio Pp. X tribuatur oportet. Qui, olim Salatianensis curio, migraturis dilectissimis fidelibus adstiterat, ut a paroecia recedentibus tutius iter atque commoratio secunda apparerentur, dein ad Summi Apostolatus apicem assumptus, palantes universalis gregis oves peculiari cura prosequutus est sollicitaque pro emigratione suscepit consilia.

Qua dilectione piissimus ille Pontifex in christifideles in longinquas usque regiones sive Septentrionalis sive Meridionalis Americae demigratos aestuaverit; quo vero gaudio fuerit affectus Episcoporum ac sacerdotum industriam in eosdem impensam accipiens, liquido patet ex litteris ad Archiepiscopum Neo-Eboracensem die XXVI Februarii a. MCMIV remissis. Inter alia enim collaudavit ac probavit curas ab eodem pro Italis adhibitae, ut, a periculis tuti, in avitae religionis cultu permanerent utque

RITORUM ITALICORUM AD EXTERAS EUROPAE REGIONES MIGRANTUM, *Litteris Sacrae Congregationis*, 31 Ianuarii 1915, A. A. S., VII, p. 95-96: «Litteris S. C. Consistorialis diei 18 Ianuarii anni 1915, de mandato Ssmi D. N. Benedicti XV, Episcopo Vicentino, qua praesidenti ad honorem et socio a consiliis Societatis pro Adistentia italicorum operariorum ad exterarum Europae regiones migrantium, commissum est ad nutum S. Sedis officium quod hucusque proprium erat ecclesiastici coetus Mediolanensis, vulgo *Consulta*, in eodem pio opere», l. c., p. 95. Hoc autem opus OPERA DI ASSISTENZA AGLI ITALIANI IN EUROPA vulgo nuncupabatur.

¹⁵ Litterae Decretales, Beatae Franciscae Xaveriae Cabrini, Fundatricis Instituti Missionariorum a Sacro Corde Iesu, Sanctorum honores decernuntur, *Spiritus Domini*, 7 Iulii 1946, A. A. S., XXXIX, p. 44.

¹⁶ PIUS PP. XI, Litterae Apostolicae, Venerabilis Dei famula Francisca Xaveria Cabrini, Instituti Missionariorum a Sacro Corde Iesu Fundatrix, Beata renuntiatur, *Benedictus Deus*, 13 Novembris 1938, A. A. S., XXXI, pp. 10-15.

rite educandis clericis de colonia Italica Seminarium conderetur.¹⁷ Hoc idem testatur sermo ad pios e Republica Argentina peregrinos;¹⁸ necnon epistolae sive ad Archiepiscopos et Episcopos Brasiliae,¹⁹ sive ad Supremum Moderatorem Instituti Missionariorum a Sancto Carolo,²⁰ sive ad Praesidem Piae Societatis Antonianae Universalis et ad Rectorem Societatis Catholicae pro immigrantibus, nuper in Canadensi regione conditae.²¹

Ut autem congruens emigrantibus praesto esset spiritualis adsistentia, sive iter peragentibus, sive in portibus escensionis versantibus, sive tandem adoptiva perfruentibus patria, Summo Pontifice adprobante, iam ab anno MCMV constituta fuit Societas Missionariorum a Sancto Antonio Patavino.²²

¹⁷ B. PIUS X, Epistola, Venerabili Fratri Ioanni Mariae Archiepiscopo Neo-Eboracensi, *Haud ita pridem*, 26 Februarii 1904, *Pii X Pontificis Maximi Acta*, Romae, ex Typographia Vaticana (1905), I, pp. 180-181.

¹⁸ « Vi raccomando in modo speciale gl'italiani emigrati poveri, lontani dalla loro patria; essi hanno bisogno del vostro appoggio, affinché con la loro condotta non abbiano mai a disonorare il loro patrio nome »: B. PIUS X, Sermo XV, *Vi ringrazio*, 18 Novembris 1908, *Pii X Pontificis Maximi Acta*, Romae, ex Typographia Polyglotta Vaticana (1914), IV, p. 305.

¹⁹ Epistola, *Quod hierarchia*, 6 Iunii 1911, A. A. S., III, p. 262 s.: « multum operae ac studii conferendum est etiam ad salutem advenarum... cupimusque propterea dari operam, ut his, maxime in ingressu vitae transmarinae, per celeberrima quaeque loca, ubi consueverunt consistere, sacerdotes nonnulli, qui eadem utantur lingua, praesto sint ad opitulandum congruenter ».

²⁰ SECRETARIA STATUS, Epistola ad R. P. Vicentini, Superiorem generalem Instituti Missionariorum Sancti Caroli, quorum zelus pro emigrantibus Italicis merito commendatur, *Ho ricevuto*, 15 Gennaio 1912, A. A. S., IV, p. 333; B. PIUS X, Epistola ad R. D. Dominicum Vicentini sacerdotem, moderatorem Instituti a S. Carolo pro Italis demigrantibus, occasione solemnitatum in memoriam Ioannis Baptistae Scalabrini, eiusdem Operis institutoris, celebratarum, *Vehementer nobis*, 4 Septembris 1912, A. A. S., IV, pp. 581-582.

²¹ « Audivimus enim, ut ita ipsa societas, permultis aucta sodalibus, sollemne usque adhuc habuerit et popularium suorum levare inopiam et templi vel sacella non pauca, in eiusdem Patroni sanctissimi honorem, apud italos exterasque gentes vel excitare vel tueri; ut minuta opuscula et libros, ad mores fidemque custodiendam ab sua editis officina, in vulgus passim disseminaverit, atque in haec omnia ingentem pecuniae vim ad hunc diem insumpserit. Neque minus habemus compertum, per vos postremis hisce annis magnam partem stetisse, ne complures ex Italis, qui in Americae regionibus degunt, aliquam religionis iacturam facerent; nam quo magis per eam locorum vastitatem spiritualis vitae praesidiis destituebantur, eo studiosius ipsos ad pietatem excolendos consilioque iuvandos, Antoniana quoque ephemeride latius diffusa, curastis »: B. PIUS X, Epistola ad dilectum Filium Praesidem Piae Societatis Antonianae Universalis; quam laudibus prosequitur, *Quo societas*, 25 Martii 1914, A. A. S., VI, p. 259. SECRETARIA STATUS, Epistola ad R. P. H. D. Casgrain, rectorem Societatis Catholicae pro emigrantibus, nuper in Canadensi Regione conditae, *Il a été particulièrement*, 12 Février 1914, A. A. S., VI, p. 132.

²² SOCIETÀ DEI MISSIONARI D'EMIGRAZIONE DI S. ANTONIO DA PADOVA instituta mense

Quod ad Italiam attinet, praestant normae ad omnes Dicionis Episcopos a Secretaria Status datae.²³ Sacra autem Congregatio Consistorialis, per Ordinarios locorum emigrationis et immigrationis de rerum condicione apprime, ipsa rogante,²⁴ edocta, Pontificis mandatum alacriter adimplevit, exstantia pro emigrantibus instituta accommodate componens, nova pro novis adiunctis decernens, et « comitatus » et « patronatus » Ordinariis constituendos commendans.²⁵

Non una via spirituali emigrantium saluti studiosissimum animum intendit. Cum etenim rescivisset nonnullos opifices in dissitas regiones ex Europa demigratos, prae difficilioribus in quibus versabantur locorum rerumque adiunctis, matrimonium contrahere iuris sollemnitatibus minime servatis, immo et attentare praesumpsisse, ne sacri connubii leges teterrimis obviantibus malis ullo modo pessumirent, Summus Pontifex a Sacra Congregatione de Disciplina Sacramentorum providam iussit edi instructionem super status liberi probatione ac matrimonii denunciatione: ²⁶ quam annorum decurrente spatio, eadem Sacra Congregatio iterum promulgavit,²⁷ salubribus in commodum emigrantium matrimonium etiam per procuram contrahentium additis normis.²⁸

Tanto Pontifice universalem Ecclesiam moderante, clericis et fidelibus Rutheni ritus, in Civitatibus Foederatis Americae Septentrionalis commorantibus, idoneis normis cautum est eisdemque Episcopus est praefectus; ²⁹ Episcopo pariter Rutheni ritus spiritualis commissa admi-

Iulio a. 1905 a sacerdote Ioanne Iacobo Coccolo et amplis verbis commendata in « Lettera dell'E.mo Cardinale Merry del Val, Segretario di Stato, agli Ecc.mi Arcivescovi e Vescovi d'Italia », *Una iniziativa sommamente giovevole*, 25 Gennaio 1908.

²³ SECRETARIA STATUS, Epistola ad Italiae Ordinarios, de operariis ex Italia in exteras nationes migrantibus, *Uno degli argomenti*, 8 Sett. 1911, A. A. S., III, pp. 513-518.

²⁴ S. C. CONSISTORIALIS, De emigrantium cura: quaesita quae proponuntur Ordinariis locorum immigrationis, prot. n. 503/12; quaesita quae proponuntur Ordinariis locorum emigrationis, prot. 894/13.

²⁵ B. PRUS X, Motu proprio, De Italis ad externa emigrantibus, *Iam pridem*, 19 Martii 1914, A. A. S., VI, pp. 174-175.

²⁶ S. C. DE SACRAMENTIS, Instructio ad Ordinarios circa statum liberum ac denunciationem initii matrimonii, *Perlatum haud semel*, 6 Martii 1911, A. A. S., III, pp. 102-103.

²⁷ Instructio ad Rev.mos Ordinarios locorum super probatione status liberi ac denunciatione initii matrimonii, *Iterum conquesti sunt*, 4 Iulii 1921, A. A. S., XIII, pp. 348-349.

²⁸ S. C. DEI SACRAMENTI, Circolare agli Ecc.mi Arcivescovi, Vescovi e Ordinari dei luoghi d'Italia relativa alla celebrazione del matrimoni per procura, 1 Maggio 1932, n. 11255/32.

²⁹ B. PRUS X, Bulla seu Litterae Apostolicae, *Ea semper fuit*, 14 Iunii 1907, *Pii X Pontificis Maximi Acta*, Romae, ex Typographia Polyglotta Vaticana (1914), V, pp. 57-68; S. C. DE PROPAGANDA FIDE pro negotiis Ritus Orientalis, Decretum de spirituali administratione Ecclesiae Graeco-Ruthenae in Foederatis Civitatibus Americae Septentrionalis, *Cum Episcopo*, 17 Augusti 1914, A. A. S., VI, pp. 458-463.

nistratio fidelium eiusdem ritus qui in Canadensi regione commorarentur; ³⁰ item, consociatio pro Ecclesiae Catholicae dilatatione Toronti in natione Canadensi constituta, uberesque amplis verbis laudati fructus, quos ipsa societas in tutandis ab haereticorum insidiis catholicis Ruthenis, territoria inter septentriones et occidentem spectantia passim incolentibus, colligere valuit; ³¹ item, mutuae disciplinares relationes inter Episcopos Latinos Canadenses et Episcopum Ruthenorum illius regionis, necnon inter utriusque ritus clerum et christifideles sunt ordinatae; ³² ac tandem ecclesia Ss̃ni Salvatoris ad vicum « delle Coppelle » in Urbe adnexaque domuncula Episcopatus Rumeno Catholico provinciae ecclesiasticae Fogarasiensis et Albae Iuliae donatae. ³³

Peculiare Officium apud S. Congregationem Consistorialem de spirituali emigrantium cura constitutum, rerum omnium gestarum profecto est potissima. Cuius « Officii partes erunt — ut B. Pius X aiebat — quaerere et parare omnia, quaecumque opus sint, ut in iis quae ad salutem animarum pertinent, emigrantium latini ritus melior conditio fiat, salvo tamen iure Sacrae Congregationis Fidei Propagandae in emigrantes ritus orientalis, quibus eadem Congregatio pro suo instituto opportune consulat. Ac de sacerdotibus ipsis emigrantibus hoc idem unice cavebit Officium ». ³⁴

Neque praetermitti poterat emigrantium sacerdotum disciplina: cui equidem Apostolica Sedes per Sacram Congregationem Concilii ³⁵

³⁰ B. PIUS X, Litterae Apostolicae, *Officium supremi*, 15 Iulii 1912, A. A. S., IV, pp. 555-556.

³¹ B. PIUS X, Litterae Apostolicae, Ad R. P. D. Patritium Fergo Mac Evay, Archiepiscopum Torontinum: laudatur associatio pro diffusione Ecclesiae Catholicae Toronti in Dominio Canadensi constituta ditaturque indulgentiis, *Allata nuper*, 9 Iunii 1910, A. A. S., II, pp. 536-540.

³² S. C. DE PROPAGANDA FIDE pro negotiis Ritus Orientalis, Decretum, *Fidelibus ruthenis*, 18 Augusti 1913, A. A. S., V, pp. 393-399.

³³ B. PIUS X, Litterae Apostolicae, Venerabilibus fratribus Victori Mihalyi de Apsia, Archiepiscopo Fogarasiensi et Albae Iuliae, atque Episcopis suffraganeis ecclesiasticae provinciae ritus Graeci-Rumeni, De Ecclesia Ss̃ni Salvatoris ad vicum *Delle Coppelle* rumeno Episcopatus concedenda, *Universi Episcopatus*, 31 Martii 1914, A. A. S., VI, pp. 222-223.

³⁴ B. PIUS X, Motu proprio, De catholicorum in exteris regiones emigratione, *Cum omnes catholicos*, 15 Augusti 1912, A. A. S., IV, p. 526 s.

³⁵ S. C. CONCILII, Litterae diei 3 Febr. 1886 et 27 Mart. 1889; Litterae ad Episcopos et Ordinarios Italiae et Americae, *Non sine magno*, 27 Iulii 1890; Decretum de Clericis in Americam et ad Insulas Philippinas profecturis, *Clericos peregrinos*, 14 Nov. 1903, *Pii X Pontificis Maximi Acta*, Romae, ex Typographia Vaticana (1905), I, p. 63; « Ne quae salubriter in Domino constituta iam fuerunt annorum decursu memoria excidant, maxime cum, etiam in praesens, haud raro contingat, quod sacerdotes non pauci absque

necnon per Sacram Congregationem de Propaganda Fide si ageretur de clericis ritus Orientalis³⁶ et per ipsam Sacram Congregationem Consistorialem³⁷ iampridem prospexerat. Quia vero inter clericos in regiones transmarinas demigrantes nonnulli forte adesse poterant, qui potius pecuniae quam animarum lucrum exquirerent, eiusdem Sacrae Congregationis Consistorialis decreto aptae editae sunt leges — attingentes etiam sacerdotes « agricolis aliisque operariis suum praestantes ministerium »³⁸ — quibus abusus, si adessent, removeri possent, poenis quoque in transgressores statutis. Quae normae, altero Consistoriali decreto Codici Iuris Canonici nuper promulgato accommodatae,³⁹ hucusque fructuose perseverant. Illis autem, subsequentibus temporibus, a Sacra Congregatione pro Ecclesia Orientali⁴⁰ et a Sacra Congregatione de

S. H. C. Concilii venia ex Italia praesertim in Americam se conferant, Ssñus Dominus noster Pius Pp. X decretum quod inscribitur: *De clericis in Americam et ad Insulas Philippinas profecturis*, ab eadem S. H. C., die 14 Novembris anno 1903 editum, vulgari iterum mandavit. Datum Romae, ex aedibus Sacrae Congregationis Concilii, die 7 Septembris 1909 », A. A. S., I, pp. 692-695; S. C. CONSISTORIALIS, De sacerdotum Polonorum admissione in clerum dioecesanum Statuum Foederatorum Amer. Sept., *Anno proxime elapso*, Responso diei 9 Decembris 1909, A. A. S., II, pp. 102-108.

³⁶ S. C. DE PROPAGANDA FIDE, Litterae diei 12 Apr. 1894; S. C. DE PROPAGANDA FIDE pro negotiis Ritus Orientalis, Epistolae circulares, ad locorum Ordinarios Latini ritus, de non permittendis Orientalibus eleemosynarum emendicationibus absque venia eiusdem Sacrae Congregationis, *Sacrae huic*, 1 Ianuarii 1912, A. A. S., IV, pp. 532-533.

³⁷ S. C. CONSISTORIALIS, Decretum de clericis in Americam profecturis, ad omnes Dalmatiae, Croatiae, Slavoniae, Bosniae et Hercegovinae Ordinarios, *Neminem latet*, 4 Octobris 1911, n. 567/11.

³⁸ S. C. CONSISTORIALIS, Decretum de sacerdotibus in certas quasdam regiones demigrantibus, *Ethnographica studia*, 25 Martii 1914, A. A. S., VI, pp. 182-186; Declaratio, circa Decretum Sacrae Congregationis Consistorialis de sacerdotibus in certas quasdam regiones demigrantibus diei 25 Martii 1914, A. A. S., VI, p. 671.

³⁹ S. C. CONSISTORIALIS, Decretum de clericis in certas quasdam regiones demigrantibus, *Magni semper negotii*, 30 Dec. 1918, A. A. S., XI, pp. 39-43.

⁴⁰ S. C. PRO ECCLESIA ORIENTALI, Decretum de clericis Orientalibus, sive saecularibus, sive religiosis, qui e territoriis aut dioecesibus Orientalibus in Septentrionalem vel Mediam, vel Meridionalem Americam, vel in Australiae regiones demigrant, ut spirituales inibi curam praestent fidelibus proprii ritus, *Qua sollerti alacritate*, 23 Dec. 1929, A. A. S., XXII, pp. 99-105; Decretum de clericis Orientalibus, sive saecularibus, sive religiosis, qui e territoriis aut dioecesibus Orientalibus in Americam Septentrionalem, vel Mediam, vel Meridionalem, vel in Australiae regiones se conferunt, non ad curam spirituales fidelibus proprii ritus praestandam, sed ob aliam causam, oeconomicam vel moralem, vel demum ut inibi per breve tempus versentur, *Non raro accidit*, 7 Ian. 1930, A. A. S., XXII, pp. 106-108; Decretum de clericis Orientalibus eleemosynas, pecuniam vel missarum stipendia colligentibus seu corrogantibus extra Orientales regiones, et dioeceses, *Saepe numero Apostolica Sedes*, 7 Ianuarii 1930, A. A. S., XXII, pp. 108-110; Instructio de clericis Orientalibus apud exterarum nationum praeter proprium Patriarchatum vel propriam regionem versantibus, *Quo facilius vetustorum*, 26 Septembris 1932, A. A. S., XXIV,

Propaganda Fide,⁴¹ pro sua cuiusque competentia, aliae additae sunt normae.

Ab eodem Summo Pontifice initium repetit urbanum sacerdotum Collegium pro Italis ad externa emigrantibus⁴² ea ratione conditum, ut iuvenes e clero saeculari sacerdotes congruenti studiorum curriculo in peculiari emigrantium sacro ministerio idonee instituerentur; qui ut numero necessitatibus pares haberentur, commonebantur Episcopi, ii praesertim qui frequentiore potirentur sacerdotum copia, « ut si quos in suis sacerdotibus vel clericis animadverterint idoneos, ad Institutum eos destinent »;⁴³ ac tandem Beatus ille Pontifex postremis Pontificatus temporibus — mox enim saevituri belli summo confectus maerore ad caeleste praemium evolavit — Collegii statuta ipse amantissimus Pater redegit eaque a S. Congregatione Consistoriali edi praecepit.

* * *

Egregiis Decessoris vestigiis inhaerens curamque emigrantium veluti haereditate relictam enixe prosequens, Summus Pontifex *Benedictus Pp. XV*, vix ad B. Petri Cathedram evectus, praefato Collegio aedes ad S. Apollinaris attribuit.⁴⁴ Cum vero depopulatis bello regionibus illatisque humano generi aerumnis Apostolica Sedes occurrere contenderet et Collegii necessitatibus una providere nequiret, S. Congregatio Consistorialis, ut Collegium fovere posset, ab Italiae et Americae Ordinariis stipem repetere non est dedignata.⁴⁵

Ad subveniendum autem operibus catholicis, quae curam spiritualem

pp. 344-346; Monitum de normis servandis quoad clericos ritus Orientalis extra fines proprii Patriarchatus peregrinantes, *Sacrae Congregationi*, 20 Iulii 1937, A. A. S., XXIX, pp. 342-343; Decretum de annua relatione ad Sacram Congregationem mittenda a sacerdotibus ritus Orientalis curam animarum habentibus extra fines sui Patriarchatus, sub iurisdictione Ordinarii alieni ritus, *Cordi semper fuit*, 16 Novembris 1938, A. A. S., XXXI, pp. 169-170.

⁴¹ S. C. DE PROPAGANDA FIDE, Decretum de clericis ex Europaeis dioecesibus in Australiam vel Novam Zelandiam demigrantibus, *Ad tuendam disciplinam*, 21 Octobris 1948, A. A. S., XLI, pp. 34-35.

⁴² B. PIUS X, Motu proprio, De Italis ad externa emigrantibus, *Iam pridem*, 19 Mart. 1914, A. A. S., VI, pp. 173-176.

⁴³ L. c. p. 175.

⁴⁴ BENEDICTUS PP. XV, Chirographum, *Il Sommo Pontefice Pio X*, 16 Ottobre 1914.

⁴⁵ S. C. CONSISTORIALIS, Litterae circulares ad Rños Americae Ordinarios, de emigrantium Italarum cura, *Cum in varias Americae*, 22 Februarii 1915, A. A. S., VII, pp. 145-146; Circolare, 24 Dicembre 1915; Circolare ai Revñli Ordinari d'Italia, 25 Maggio 1918.

Italorum emigrantium actuose gerebant, eadem Sacra Congregatio primum Italiae Ordinarios commonuit, ut, die festo stabiliter statuto, annuatim collecta pro iisdem operibus rogaretur,⁴⁶ serius vero decrevit, ut quilibet curio semel in anno potius quam pro populo ad mentem Summi Pontificis litaret, stipe pro Missa debita huiusmodi operibus destinata.⁴⁷ Quam pecuniam norunt equidem omnes, et praesertim emigrantes ac missionarii, ex integro depromi in illarum institutionum auxilium, quae, vel moderante Sacra Consistoriali Congregatione, vel missionariis et utriusque sexus religiosis promoventibus, in exteris ditionibus ad eum finem sunt obortae, ut emigrantibus, quorum « vix credibile est quanto in discrimine catholica fides christianique mores saepe versentur », ⁴⁸ providum tutumque praeberent praesidium.

Memoratus Pontifex in commodum Italorum emigrantium patronatus ecclesiasticos Ordinarios Calabriae constituendos proposuit.⁴⁹

Archiepiscopo Sancti Pauli ceterisque Episcopis Brasilianae dicionis instanter commendavit ut « advocata in id opera piorum sacerdotum indigenarum » advigilarent, ne advenae operarii, qui spe lucri aut indigentia acti ex Europa illuc appulissent, mutatione patrii soli patrios exuerent mores; ⁵⁰ idemque rescripsit Episcopo Trentonensi, cuius laudavit diligentiam in hoc impensam: etenim, statim ac nova Italorum colonia in Trentonensi dioecesi condita fuerat, pro iisdem illico ecclesia continentesque aedes fuerunt excitatae; quod christianae caritatis subsidium ut ubique in Foederatas Americae Civitates Itali emigrati invenire possent, Summus Pontifex vota ex animo deprompsit.⁵¹

Idem Decessor Noster Benedictus XV mentem quoque intendit ad Italos etiam tunc de una in aliam suae Nationis regionem, domestica

⁴⁶ S. C. CONSISTORIALIS, Litterae circulares ad Rm̃os Ordinarios dioecesum Italiae, de spiritali emigrantium cura, *Il dolore e le preoccupazioni*, 6 Dicembre 1914, A. A. S., VI, pp. 699-701.

⁴⁷ S. C. CONSISTORIALIS, Litterae circulares ad Rm̃os Ordinarios Italiae, *Ad subveniendum patronatibus*, 2 Ianuarii 1918, n. 682/17.

⁴⁸ B. PIUS X, Motu proprio, De Italīs ad externa emigrantibus, *Iam pridem*, 19 Martii 1914, A. A. S., VI, pp. 173-176.

⁴⁹ S. C. CONSISTORIALIS, Lettera circolare ai Revm̃i Arcivescovi e Vescovi di Calabria sulla costituzione di Patronati ecclesiastici in pro degli emigranti, *Assai gradite*, 24 Novembre 1916, A. A. S., VIII, pp. 437-438.

⁵⁰ BENEDICTUS PP. XV, Epistola ad R. P. D. Leopoldum Duarte Silva, Archiepiscopum Sancti Pauli, eius caritatis et episcopalis officii opera meritis laudibus exornans, *Tristitia, laeta*, 24 Maii 1919, A. A. S., XI, pp. 272-273.

⁵¹ BENEDICTUS PP. XV, Epistola ad R. P. D. Thomam Iosephum, Episcopum Trentonensem, cuius paternas curas erga Italos commigrantes dilaudat, *Inter praeclaras laudes*, 10 Decembris 1920, A. A. S., XIII, pp. 89-90.

sede relicta, ad tempus emigrantes, ut de mulieribus oryzae purgandae addictis adhuc evenire solet.⁵²

Optimo dein sane consilio voluit ut Praelatus exstaret, qui opportunis instructus facultatibus ac dioecesanis curis solutus, bono spirituali Italarum emigrantium totus vacaret: ideoque anno MCMXX Officium Praelati pro Italis ad externa emigrantibus instituit:⁵³ cuius unius proprium esset missionarios ad hoc munus deputandos eligere, eisdem adsistere ac invigilare, et Collegio sacerdotum ad Italos in peregrinas regiones migratos honeste et religiose excolendos et adiuvandos praeesse. Anno proxime insequenti, quo memoratum Collegium facilius incrementum sumeret, novis statutis illud instruxit temporum rerumque necessitatibus rite accommodatis.⁵⁴

Angustias vehementer condolens, quibus misere afficiebantur innumeri homines, teterrimo perdurante bello in captivitatem ducti, Summus Pontifex Benedictus XV decrevit ut Ordinarii dioecesium, ubi captivi degerent, unum vel pro necessitate plures sacerdotes, lingua satis peritos, quam primum deligerent ad captivorum curam deputandos: « Sacerdotes ad id munus electi nihil reliqui faciant quod ad captivorum utilitatem tum animi tum vitae corporisque pertineat; consolentur, assideant, a necessitatibus variis, iisque interdum acerbissimis, allevant ».⁵⁵

Hostili adhuc premente bello, ad consulendum bono spirituali hominum profugorum in finibus Italiae versantium peculiarem pro ipsis Ordinarium instituit.⁵⁶

Neque maxima perversionis pericula fuerunt praetermissa quibus obnoxii esse possent Germani cives, quos inter plurimi catholici aderant, qui ingenti numero tantis tunc pressi angustiis, caelum aliud quaerere

⁵² S. C. CONCISTORIALE, Per l'assistenza religiosa ed economica dei lavoratori in risala, Agli Ordinari di Lombardia, Piemonte, Emilia e Liguria, *Mi faccio un dovere*, 20 Luglio 1918, n. 557/18.

⁵³ S. C. CONSISTORIALIS, Notificazione circa la costituzione di un Prelato per l'emigrazione italiana, *Esistono in Italia*, 23 Ottobre 1920, A. A. S., XII, p. 534 s.

⁵⁴ S. C. CONSISTORIALIS, De Pontificio Collegio Sacerdotum pro Italis ad externa emigrantibus, *Notificatio, Sacerdotum Collegium*, 26 Mali 1921, A. A. S., XIII, pp. 309-311.

⁵⁵ S. C. PRO NEGOTIIS ECCLESIASTICIS EXTRAORDINARIIS, De cura captivorum a clero habenda, *Ex audientia Ssmi, die 21 Decembris 1914*: « Ssmus D. N. Benedictus divina providentia Papa XV, cum vehementer doletet et angustias, quibus misere afficerentur innumerabiles homines teterrimo hoc bello capti, et anxietates, quibus eorundem familiae idcirco premerentur quod diu penitus de suis ignorarent, Secum animo reputavit quo pacto posset utrisque pro facultate solacium auxiliumque afferre... EUGENIUS FACELLI, Secretarius », A. A. S., VI, pp. 710-711; cfr. etiam Epistolam Cardinalis a Secretis Status, l. c. pp. 711-712.

⁵⁶ S. C. CONSISTORIALIS, Decreto d'un Ordinario comune pel Profughi in Italia, *Considerando che i sacerdoti*, 3 Settembre 1918, A. A. S., X, p. 415 s.

cogebantur ad vitae necessaria sibi comparanda. Quapropter Sacra Congregatio Consistorialis Episcopos non solum Germaniae sed et Mediae Europae commonuit, ut sedulo perpenderent et collatis consiliis in conventibus seu Conferentiis Episcopalibus definienda pertractarent, quae tantae necessitati tempestive citoque consulere valerent. Simul indicavit opportunitatem roborandi actionem consociationis a Sancto Raphaële, quae ante bellum innumeris beneficiis peregrinantes quosvis affecerat, necnon adhibendi auxilia, quae prudentia et caritas suggererent.⁵⁷ Anno insuper MCMXXI Archiepiscopus Coloniensis Patronus datus est benemerito operi — iam ab anno MCMIV constituto — religiosae curationis pro catholicis linguae Germanicae in Italia commorantibus.⁵⁸ Quod opus insequentibus annis curam spiritualem inivit Germanorum sive in Occidentalis⁵⁹ sive, Episcopo Osnabrugensi altero Patrono electo, in Orientalis Europae fines et extra Europam⁶⁰ migratorum.

Quum, ingravescente civili perturbatione in Mexicana ditione, nonnulli Mexicani Ordinarii, sacerdotes, utriusque sexus claustrales permultique fideles, patria nefarie expulsi, tutum refugium expetituri in Civitatibus Foederatis Americae Septentrionalis versarentur, eos enixe caritati catholicorum illius Dicionis commendavit, primum Episcopo S. Antonii rescribens,⁶¹ deinde Archiepiscopo Baltimorensi, cuius liberalibus curis pauperes ephēbi ad sacerdotium educandi in Seminarium collecti fuerant, « quod Nobis — ut Pontifex aiebat — maxime gratum fuit ».⁶²

Has praeterea de rebus ab eodem Pontifice sapientissime gestis in fidelium Orientalium rituum favorem recolimus: spiritualem adsistentiam fidelibus ritus Graeco-Rutheni in Americam Meridionalem emigra-

⁵⁷ S. C. CONSISTORIALIS, Litterae circulares ad Rños Ordinarios Germaniae et Europae Centralis, *Coniiciunt statistae*, 12 Aprilis 1920.

⁵⁸ S. C. DEGLI AFFARI ECCLESIASTICI STRAORDINARI, Dispaccio n. B. 18808, 24 Marzo 1921 et n. 321/52, 24 Gennajo 1952.

⁵⁹ S. C. DEGLI AFFARI ECCLESIASTICI STRAORDINARI, Dispaccio n. 2743/26, 21 Novembre 1926.

⁶⁰ S. C. DEGLI AFFARI ECCLESIASTICI STRAORDINARI, Dispaccio n. 3455/30, 2 Dicembre 1930.

⁶¹ BENEDICTUS PP. XV, Epistola ad R. P. D. Ioannem G. Shaw, Episcopum S. Antonii, ob eximiam caritatem qua et ipse et sacerdotes et religiosae familiae nonnullos Mexicanos Ordinarios presbyterosque, patria expulsos, complexi sunt, *In summa animi*, 25 Novembris 1914, A. A. S., VI, pp. 667-668.

⁶² BENEDICTUS PP. XV, Epistola ad Iacobum Card. Gibbons, Baltimoreensem Archiepiscopum, eximiam caritatem laudat catholicorum Foederatarum Americae Civitatum erga miseros nationis Mexicanae incolas, civilibus perturbationibus vexatos, *Certiores quotidie*, 17 Martii 1915, A. A. S., VII, pp. 168-169.

tis late promotam; ⁶³ Seminarium pro pueris Italo-Graecis in monasterio Cryptoferratensi conditum, ⁶⁴ ac pro fidelibus eiusdem ritus, qui iam Epiri et Albaniae incolae, a Turcica dominatione turmatim aufugientes, Italiam petierant et in Calabriae ac Trinaeriae locis domicilium constituerant, dioecesim Lungrensem erectam. ⁶⁵

Neque alienum esse arbitramur Sacrae Rituum Congregationis memorasse decretum quo Beata Maria Virgo Lauretana caelestis Patrona declaratur aëria itinera peragentium ut « qui sub tutela Beatae Virginis se commiserint, eo quo tendunt prospere perveniant ». ⁶⁶ Nos autem, ne christifidelibus aërium iter arripientibus commodum sese confitendi deesset, statuimus, ut quae canone DCCCLXXXIII C. I. C. de facultate excipiendi confessiones sanciantur pro sacerdotibus maritimum iter habentibus, valerent atque extenderentur ad sacerdotes iter aërium facientes. ⁶⁷

* * *

Tantum faustumque incrementum ab operibus de emigratione deinceps feliciter habitum, desideratissimus Praedecessor Noster *Pius Pp. XI* ulla praepediri mora non est perpessus. Emigrantes et profugi homines innumeri, ex Americae et Europae regionibus, universalis Summi Pontificis paternitatis testimonia satis superque experti sunt. Qua ex rerum gestarum copia nonnullas saltem maioris momenti proferre malumus, ab his quae ad populos Orientales attinent initium sumentes.

Primo Pontificatus anno, cum, depopolata Armenia, plures fidisimique catholici aut interempti lugerentur aut longe a patria aberrantes invenirentur, infelices opibusque destitutos filios liberalissime refecit; debiles praesertim puellas, parentibus orbatas, in suis aedibus ad hanc Arcem Gandulphi paterno hospitio excepit ac de sua largitate sollicitè aluit. ⁶⁸

⁶³ S. C. DE PROPAGANDA FIDE pro negotiis Ritus Orientalis, Decretum, *Cum sat numerosiores*, 27 Martii 1916, A. A. S., VIII, pp. 105-107.

⁶⁴ S. C. PRO ECCLESIA ORIENTALI, Decretum, *Perspiciens Sacra Congregatio*, 10 Iulii 1918, A. A. S., X, p. 419.

⁶⁵ BENEDICTUS PP. XV, Constitutio Apostolica, *Catholici fideles graeci*, 13 Februarii 1919, A. A. S., XI, pp. 222-226.

⁶⁶ S. C. RITUUM, Decretum, 24 Martii 1920, A. A. S., XII, p. 175.

⁶⁷ Motu proprio, *Animarum studio*, 16 Decembris 1947, A. A. S., XXXX, p. 17.

⁶⁸ « Abbiamo per una vera divina strenna con la quale ci sembra che il Divino Maestro e Redentore abbia voluto accompagnare l'annuncio di quell'altra strenna che testè promettevamo alle Vostre Eminenze e a tutta la Chiesa, ed ora siamo lieti di poter dare; quella per la quale tutto un piccolo popolo di infanzie è venuto a raccogliersi intorno a Noi. Sono più di 400 orfanelle venute dal lontano Oriente, rappre-

Anno autem MCMXXV causas et negotia pertinentia ad Russos, qui procul domo extorres versarentur, attributa voluit Commissioni pro Russia;⁶⁹ dein peculiari Officio, apud Sacram Congregationem pro Ecclesia Orientali instituto, curam concedidit eorum omnium, qui ubicumque terrarum degentes ritum Slavicum profiterentur.⁷⁰ Ordinariatum Harbinensem in Sinis erexit eique praeficiendum statuit sacerdotem ritus Byzantino-Slavici, qui, utpote Ordinarius Harbinensis Russorum, clericos et fideles omnes sui ritus in Sinico Imperio commorantes in spiritualibus regeret et gubernaret.⁷¹ Praedecessores suos imitatus, qui iam Armenos, Syros, Maronitas, Graecos, Ruthenos, Rumenos propria Ecclesia in Urbe donaverant, fidelibus ritus Slavici, qui Romae commorarentur vel Romam adventarent, templum Sancto Antonio Eremitae in Exquiliis dicatum addixit, ut ad legitimos suorum maiorum mores Deum ibidem orare liceret:⁷² in continentibus autem aedibus, a solo excitatis, Russicum Seminarium condidit.⁷³ Neque semel hominibus profugis ex Orientalibus Europae regionibus, cuiuslibet nationis vel confessionis, verbo et exemplo ultro oblata pecunia, Episcoporum et fidelium Polonorum concitata insimul liberalitate, profuit.⁷⁴

Bonum spirituale promovere studuit communitatum Byzantini ritus quae, prementibus persecutionibus, in Italiam olim immigratae integrae adhuc perseverabant: ideoque ex paroeciis Byzantinis ab archidioecibus

sentanti di un popolo che ha provato la sofferenza fino al sangue e alla morte, a Noi mandate dal Divino Infante. E Noi siamo lieti di accoglierle e di abbracciarle sul Nostro cuore paterno; e siamo tanto più lieti di poterlo fare, in quanto che Ci sentiamo grandemente confortati da quella gara di carità con la quale tutto il mondo è venuto in aiuto del Vicario di Gesù Cristo»: PIUS PP. XI, Discorso al Sacro Collegio in risposta agli auguri natalizi, *Il vostro aspetto*, *L'Osservatore Romano*, 26-27 Dicembre 1922, n. 303.

⁶⁹ PIUS PP. XI, Motu proprio, Commissio pro Russia a Sacra Congregatione pro Ecclesia Orientali seiungitur ac sui iuris constituitur, *Inde ab initio Pontificatu*, 6 Aprilis 1930, A. A. S., XXII, pp. 153-154.

⁷⁰ PIUS PP. XI, Motu proprio, De Commissione pro Russia deque liturgicis ritus Slavici libris edendis, *Quam sollicita animi*, 21 Decembris 1934, A. A. S., XXVII, pp. 65-67.

⁷¹ PONTIFICIA COMMISSIO PRO RUSSIA, Decretum, *Fidelium Russorum*, 20 Maii 1928, A. A. S., XX, pp. 366-367.

⁷² PIUS PP. XI, Motu proprio, *Nostra animarum a Christo*, 28 Octobris 1932, A. A. S., XXIV, pp. 353-354.

⁷³ PIUS PP. XI, Constitutio Apostolica, *Quam curam*, 15 Augusti 1929, A. A. S., XXI, pp. 577-581.

⁷⁴ PIUS PP. XI, Epistola ad Eños PP. DD. Alexandrum tit. S. Augustini S. R. E. Presbyterum Cardinalem Kakowski, Archiepiscopum Varsaviensem, Augustum tit. S. Mariae de Pace S. R. E. Presbyterum Cardinalem Hlond, Archiepiscopum Gnesnensem et Posnanlensem; de studiorum hebdomada ad unionem christianorum dissidentium restaurandam, *Laeto iucundoque animo*, 6 Ianuarii 1933, A. A. S., XXV, pp. 23-24.

Panormitana et Montis Regalis seiunctis, novam dioecesim seu eparchiam Planensem Graecorum erexit; ⁷⁵ normasque de spirituali administratione ordinariatum Graeco-Ruthenorum in Foederatis Civitatibus Americae Septentrionalis ⁷⁶ et in regione Canadensi peropportune dedit. ⁷⁷

In peculiaris benevolentiae signum erga Polonos, templum S. Iosaphat Episcopi et Martyris in civitate Milwaukiensi exstructum, cui adnexa est animarum cura pro christifidelibus linguae Polonicae, titulo et honoribus Basilicae Minoris primum auxit; ⁷⁸ dein, anno scilicet MCMXXXI, universis Polonis emigratis Archiepiscopum Gnesnensem Protectorem dedit. ⁷⁹

Cum anno MCMXXIV, instar Piae Societatis Missionariorum a Sancto Carolo pro Italis emigratis, et pro catholicis Germanis ad externa demigratis religiosum Institutum Godesbergensi in urbe erigi deprehendisset, hoc sano consilio coeptum beneque auspicatum, merita exornavit laude: quod autem Institutum, cum exoptatum incrementum haberet, Societatis a Sanctis Angelis est decoratum nomine.

Episcopos, sacerdotes, religiosos sodales et fideles ex Hispania profugos, nefaria persecutione contra rem religiosam acriter aestuante, humaniter excepit et suavissimis adlocutus verbis, amplo affecit solatio. ⁸⁰

Ne autem Mexicani in exteris terras demigrati inimicorum Christi praeda efficerentur, neve avitos amitterent christianos mores, Ordinarios Dicionis ut consilia conferrent cum fratribus in Episcopatu, qui Civitates Foederatas Americae Septentrionalis in spiritualibus regebant, exhortatus est, ad hoc Actionis Catholicae consociationum advocata opera. ⁸¹

Suadet res ut debita hic recordatione commendetur studium, quo Summus idem Pontifex Nigritarum subolem passim per orbem diffusam est prosecutus: id facile eruitur ex epistula ad Superiorem Generalem

⁷⁵ PIUS PP. XI, Constitutio Apostolica, *Apostolica Sedes*, 26 Octobris 1937, A. A. S., XXX, pp. 213-216.

⁷⁶ S. C. PRO ECCLESIA ORIENTALI, Decretum, *Cum data fuerit*, 1 Martii 1929, A. A. S., XXI, pp. 152-159.

⁷⁷ S. C. PRO ECCLESIA ORIENTALI, Decretum, *Graeci-Rutheni ritus*, 24 Maii 1930, A. A. S., XXII, pp. 346-354.

⁷⁸ PIUS PP. XI, Litterae Apostolicae, *Archiepiscopali in urbe*, 10 Martii 1929, A. A. S., XXI, pp. 592-593.

⁷⁹ S. C. DEGLI AFFARI ECCLESIASTICI STRAORDINARI, Dispatto n. 1215/31, 26 Maggio 1931.

⁸⁰ PIUS PP. XI, Sermo, die 14 mensis Septembris 1936, in Arce Gandulphi, adstantibus Episcopis, sacerdotibus, religiosis et fidelibus ex Hispania profugis, *La vostra presenza*, A. A. S., XXVIII, pp. 373-381.

⁸¹ PIUS PP. XI, Epistula Encyclica, de rei catholicae in Mexico condicione, *Firmis simam constantiam*, 28 Martii 1937, A. A. S., XXIX, pp. 189-199.

Societatis a Verbo Divino die v Aprilis anno MCMXXIII missa, qua Seminario pro Nigritis propediem auspicando bene precatus est, quaque utilissime deliberatum esse asseruit adsciscere Nigritas, qui ad religiosam vitam vocati viderentur, in Sodalitatem a Verbo Divino, ut sacerdotio aliquando initiati sacrum ministerium inter suos efficacius exercerent.⁸²

Quoad Italos: cappellanos navigantium, hucusque in Societate Missionariorum a Sancto Antonio Patavino constitutos, die XXVI Ianuarii anno MCMXXIII directe subiecit moderamini Praesidis Collegii sacerdotum pro Italis ad externa migrantibus ac serius utilibus legibus, a Sacra Consistoriali Congregatione dandis, instruendos statuit;⁸³ omnes pariter sacerdotes Operi Italicis operariis adiuvandis ad exterarum Europae regiones migrantibus iam addictos, uni Moderatori a Sacra Congregatione Consistoriali electo ac deputato concredidit;⁸⁴ Itali vero emigrantes quo tutius in locis commigrationis dignosci possent et vitae consuetudinem cum catholicis facilius inirent, praecepit ut ecclesiastica quadam tessera, antequam a suis discederent, munirentur.⁸⁵

Sacrae Congregationi Consistoriali insuper commisit regimen Piae Societatis Missionariorum a S. Carolo, plurimum inde commodi suscepturae: namque desideratissimo Nobis Cardinali Raphaële Carolo Rossi, Secretario eiusdem Sacrae Congregationis Consistorialis, auctore⁸⁶ — qui alter parens a Missionariis a Sancto Carolo iure meritoque habetur — Constitutiones Piae Societatis Codici Iuris Canonici aptatae sunt et

⁸² PIUS PP. XI, Epistula ad R. P. Gullelmum Gler, Superiorem Generalem Societatis a Verbo Divino: de Seminario pro Nigritis propediem auspicando, *Admodum gaudemus*, 5 Aprilis 1923, A. A. S., XV, p. 216 ss., qua Summus Pontifex inter alia rescribat: « Ex eo quod Ecclesia Dei est, suo ipsius instituto, catholica, nonne sequitur, oportere, ut unicuique stirpi vel genti sui sint sacerdotes, qui cum ea ortu atque ingenio, sensibus studiisque cohaereant? Nonne hi, praeterquam quod faciliorem ad suos aditum habent, eos ad fidem allicere in eaque stabiles efficere longe efficacius possint quam aliunde orti collectique sacrorum administrari?... Sunt enim in Foederatis Americae Civitatibus multo plus centies centena eius generis millia, quibus idoneos cum missionales tum pastores indigenas necesse est, quam primum fieri poterit, provideri », l. c., p. 217 s. Quoad perseverans Ecclesiae studium in Nigritas cfr. supra, p. 6.

⁸³ S. C. CONSISTORIALIS, *Regolamento per i Direttori dei Cappellani di bordo e per i Cappellani di bordo*, 15 Novembre 1932 (Tipografia Poliglotta Vaticana, 1932).

⁸⁴ S. C. CONSISTORIALIS, Ex Audientia Ss^{mi} diei 21 Septembris 1927 et Litterae circulares ad Episcopos, 19 Novembris 1927, n. 1998/12.

⁸⁵ S. C. CONSISTORIALIS, Communicatio de commigrantibus ex Italia tessera ecclesiastica muniendis, *Expedi ut*, 26 Ianuarii 1923, A. A. S., XV, p. 112-113.

⁸⁶ PIUS PP. XI, Epistula, Ad Eñum P. D. Raphaëlem Carolum tit. Sanctae Praxedis S. R. E. Presb. Card. Rossi, Sacrae Congregationis Consistorialis Secretarium, anno quinquagesimo exeunte a Pia Missionariorum a Sancto Carolo Societate condita, *Iucundo sane animo*, 1 Iunii 1937, A. A. S., XXIX, p. 303.

adprobatae;⁸⁷ ipsa Societas ad pristinum religiosum statum, votorum emissionem, restituta; plurimae novae domus, praesertim ad institutionem clericorum, erectae; nonnullae religiosas provinciae ac missiones sui iuris constitutae; indeque sodalium numerus et ministerii explendi campus in America, in Europa, nuperrime autem in Australia tam festinanter aucti, ut certa spes affulgeat tutiorem firmioremque spiritualem adsistentiam Italos emigratos in dies sortituros esse.

Ac tandem magnanimus ille Pontifex Opus Apostolatus Maris, ad spirituale, morale ac sociale maritimum commodum primo in urbe Glasguensi in finibus Scotorum anno MCMXX constitutum, suae benevolentiae testimonio cohonestare et Apostolicae Sedis approbatione, die XVII Aprilis a. MCMXXII, ditare voluit; quod Opus, quum haud paucis celebratis conventibus et accedente Ordinariorum suffragio longe lateque iam pateret, ut Sacrae Congregationis Consistorialis moderamine frui ac potiri in posterum valeret, Nosmetipsi die XXX Maii anno MCMXLII libenter decrevimus.⁸⁸

* * *

Ut sermonem ad *Pontificatum Nostrum* usque producamus, nihil aliud superest nisi ut de rebus gestis ab Ecclesia hisce novissimis temporibus dicamus.

Nobis ad Romanam Sedem vix evectis, prodire conspiciebantur, uti compertum est, ausu in dies acriore, immodica nationis amplificandae studia, iactata stirpis dominatio, effrenata cupido alienas occupandi regiones, vi quidem non iure freta; inde gentium multitudines impie ac dire deportatae et coacti populi alioque adducti; nova profecto crimina longe antiqua excedentia.

Mox impendit tristissimarum rerum turbo saevissimum scilicet bellum. Tunc, nulla interposita mora, Nostrum aggressi sumus opus caritatis et pacis.

Omni quo licebat nisu, hortando, exorando, deprecando, apud ipsos rerum publicarum rectores agendo, teterrimum bellum prohibere conati sumus;⁸⁹ illud vero flagrans ac ingruens formidolosissimum sermonibus et factis mitigare ac refrenare pro facultate contendimus.

⁸⁷ S. C. CONSISTORIALIS, Decretum, *Pia Societas*, 15 Augusti 1936; Decretum, *Pia Societas*, 15 Augusti 1948.

⁸⁸ S. C. CONSISTORIALIS, Ex Audientia Ssmi diei 30 Maii 1942, n. 334/40. *

⁸⁹ *L'opera di pace della Santa Sede e l'Italia, Appunti*, Tip. Poliglotta Vaticana, 1945.

Lugendis his in adiunctis neque muneri neque expectationi defuit Catholica Mater Ecclesia et « universo coetui caritatis praesidens », ⁹⁰ sicut consueverat, maerentibus evasit solatium, vexatis perfugium, exsulis patria.

Nihil enim intentatum reliquimus, quamvis graves difficultates ob-sisterent et impeditissima essent tempora, ut aliquid adiumenti filiis dolentibus afferremus, nullo condicionis vel nationis facto discrimine: ipsis Hebraeis extorribus, acrem persecutionem sustinentibus, enixe subvenimus. ⁹¹

In singulis vero caritatis operibus a Nobis vel initis vel promotis vel commendatis ad opitulandum innumeris inauditisque calamitatibus et aerumnis, bello obortis, quibus universi fere homines premebantur, captivis, profugis, exsulis ceterisque filiis Nostris quavis de causa procul a patria errantibus ac praecipue teneris pueris misellisque orphanis, locum detulimus potissimum. Quae quidem cum omnes apprime noverint — historica enim exstant documenta — non est cur ampliora denuntiemus: liceat tamen pauca attingere.

Decessoris Nostri Benedicti XV exempla secuti, cuius impensae caritatis, primo furente bello, administri fuimus, vix inito armorum conflictu peculiare Officium apud Nostram Secretariam Status institimus miseris egenisque omnibus ubique adiuvandis, ⁹² eoque perdurante, alterum Officium captivis exquirendis ac mittendis accipiendisque nuntiis ⁹³ et alia Consilia constituenda curavimus; quae inter memorare placet Consilium bello infortunatis ac specialiter civibus profu-

⁹⁰ S. IGNATIUS ANT., *Epistola ad Romanos*: Migne, PG., V, 685.

⁹¹ Allocutio, die 29 Novembris a. 1945, coram Hebraeis profugis, post acrumnas belli e captivitate redeuntibus, grati animi sensus proferentibus, *La vostra presenza*, A. A. S., XXXVII, p. 317 s.

⁹² COMMISSIONE SOCCORSI. Cfr. *L'attività della Santa Sede dal 15 Dicembre 1943 al 15 Dicembre 1944*, Tipografia Poliglotta Vaticana, pp. 107-109; *dal 15 Dicembre 1945 al 15 Dicembre 1946*, pp. 107-110; *dal 15 Dicembre 1946 al 15 Dicembre 1947*, pp. 105-111; *nel 1948*, pp. 97-101.

⁹³ UFFICIO INFORMAZIONI VATICANO: a mense Septembri a. 1939 ad diem 31 mensis Octobris a. 1947. Peculiarium sectionum huius Officii hic meminisse iuvat: « 1. Corrispondenze in arrivo, 2. Corrispondenze in partenza, 3. Radio, 4. Prigionieri di lingua inglese, 5. Prigionieri di lingua tedesca e slava, 6. Prigionieri in mano russa, 7. Prigionieri e internati politici in Italia, 8. Rimpatri »: *L'A. d. S. S. dal 15 Dicembre 1944 al 15 Dicembre 1945*, pp. 111-114; *dal 15 Dicembre 1945 al 15 Dicembre 1946*, pp. 95-103; *serius institutarum*: « 9. Casi speciali, 10. Deceduti »: *L'A. d. S. S. dal 15 Dicembre 1946 al 15 Dicembre 1947*, pp. 99-105; *Aperçu sur l'œuvre du Bureau d'Informations Vatican, 1939-1946*, Tipografia Poliglotta Vaticana, 1948.

gis vel in publicae custodiae locis detentis reficiendis,⁹⁴ a Commissione Nostra inopibus omnibus sublevandis postea suffectum.⁹⁵ Operae pretium est hic pariter recolere Missiones pro Germania et Austria non semel ab eadem Nostra Secretaria Status excitatas, eo potissimum consilio ut hominum profugorum ac errantium salutem prospiceretur.⁹⁶

Quum autem, rebus tandem pace quamvis adhuc non ex integro compositis, magis magisque in dies necessitas urgeret providendi hominum profugorum multitudini, quorum permulti domum redire prohibebantur, cumque ex nonnullis frequentioribus nationibus non pauci homines, inopia pressi, ad exterarum optarent demigrare regiones, Officium Migrationis apud eandem Nostram Secretariam Status constituere decrevimus, duplicem complectens sectionem, alteram pro emigratione libera, alteram pro coacta;⁹⁷ ad Officium Migrationis in Genevensi civitate institutum Vir ecclesiasticus a Nobis est deputatus, qui coetibus seu congressibus inter nationes ibidem celebrandis adstaret, ac novissime adprobavimus Commissionem Catholicam Internationalem pro Emigratione, cuius est ubique exstantium consociationum vel comitatuum catholicorum vires unire atque colligare eorumque pro emigrantibus vel profugis hominibus coepta consilia et opera fovere, confirmare atque componere.⁹⁸

⁹⁴ PONTIFICIA COMMISSIONE ASSISTENZA PROFUGHI die 18 Aprilis 1944 condita. Cfr. *L'A. d. S. S. dal 15 Dicembre 1943 al 15 Dicembre 1944*, pp. 118-123.

⁹⁵ PONTIFICIA COMMISSIONE DI ASSISTENZA die 23 Ianuarii 1945 condita. Cfr. *Instructio pastoralis ad Parochos Urbis et concionatores sacri temporis quadragesimalis: de Sacramentis, In meno di un anno*, A. A. S., XXXVII, p. 43; *L'A. d. S. S. dal 15 Dicembre 1944 al 15 Dicembre 1945*, pp. 124-132; *dal 15 Dicembre 1945 al 15 Dicembre 1946*, pp. 111-122; *nel 1948*, pp. 102-114.

⁹⁶ Huiusmodi Missiones initium habuerunt: prima die 12 mensis Iunii anno 1945; secunda die 9 mensis Iulii anno 1945; tertia, quae largius ac diutius patuit, die 20 mensis Octobris eodem anno; de rebus ab unaquaque gestis cfr. *L'A. d. S. S. dal 15 Dicembre 1944 al 15 Dicembre 1945*, pp. 119-124; *dal 15 Dicembre 1945 al 15 Dicembre 1946*, p. 105, *Missione Pontificia in Germania* (in Kronberg i. T.); *dal 15 Dicembre 1946 al 15 Dicembre 1947*, pp. 125-135.

⁹⁷ UFFICIO MIGRAZIONE: Ex Audientia Ss^{mi} diei 30 Maii 1946 et diei 13 Novembris 1946. OFFICIUM hoc duas habuit Sectiones, alteram MIGRAZIONE NATURALE, alteram MIGRAZIONE PROFUGHI appellatas. Huius novissimae operam dedere: BISHOPS RESETTLEMENT COUNCIL (Civitates Foederatae Americae Septentrionalis); CATHOLIC COMMITTEE FOR RELIEF ABROAD (Magna Britannia); CATHOLIC COMMITTEE FOR AID TO IMMIGRANT OF CANADA; MISSIO VATICANA IN KRONBERG. Cfr. *L'A. d. S. S. dal 15 Dicembre 1946 al 15 Dicembre 1947*, pp. 125-135; *nel 1948*, pp. 115-127.

⁹⁸ COMMISSIONE CATTOLICA INTERNAZIONALE PER LE MIGRAZIONI, in civitate Genevensi anno 1951 condita: Lettera della Segreteria di Stato al signor James I. Norris, Presidente Provvisorio della Commissione Cattolica Internazionale per la Migrazione, Ginevra (Svizzera), *Le sono ben noti gli imperiosi motivi*, 12 Aprile 1951, n. 226960/MSA.

Neque silentio praetereundum est, per Nuntios vel Delegatos Nostros aliosve ecclesiasticos viros ad hoc peculiariter missos,⁹⁹ in unaquaque fere ditione immo et dioecesi comitatus vel commissiones pro egenis hominibus profugis necnon pro emigrantibus¹⁰⁰ esse promota, faventibus quidem locorum Ordinariis sive sacrorum administris sive Actionis Catholicae aliorumque apostolatus coetuum sodalibus probatisque hominibus,¹⁰¹ e quorum sollerti actuositate, quam libenter dilaudamus, plurima iam prodiisse beneficia conspicimus, emigrantium ac profugorum hominum tutelae profutura.

Novas maeroris ac luctus causas induxit bellum, anno MCMXLVIII in finibus Palaestinae excitatum; homines profugi absque numero, ineffabilibus affecti doloribus, sua derelinquere ac alio passim commeare coacti sunt in Libanum nempe, Syriam, Iordaniam, Aegyptum et Gazae regionem. Quos autem communes sociaverant calamitates, sive divites sive pauperes, sive fideles sive fidei luminis adhuc expertes, horrendum praebuere lacrimandumque spectaculum.

⁹⁹ De rebus gestis a Nuntiis, Internuntiis, Delegatis ac Vicariis Nostriis aliisque ecclesiasticis viris ad hoc missis, in: *Europa*: Albania, Bulgaria, Cecoslovachia, Dacia, Finnia, Gallia, Germania, Graecia, Helvetia, Hibernia, Hispania, Hollandia, Hungaria, Italia, Lusitania, Magna Britannia, Melita, Polonia, Rhodo, Thracia, Turcarum natione; *Africa*: Aegypto Aethiopia, Algaria (Officium accipiendis ac mittendis nuntiis apud religiosam domum Missionariorum Africae a Nostra Secretaria Status constitutum: Maison Carrée), Africa Occidentali et Aequatoriali Gallica, Africa Meridiana, Congo Belgico, Erythraea, Kenia, Madagascaria, Somalia, Sudan, Tripolitania; *America Septentrionali*: Canadensi ditione, Civitatibus Foederatis Americae Septentrionalis, Mexico; *America Centrali*: Costarica, Cuba, Guatimala, rebuspublicis: Haitiana, Honduriana, Dominicana, Salvatoriana; *America Meridionali*: Aequatoria, Argentina, Bolivia, Brasilia, Chilia, Columbia, Paraguaya, Peruvia, Uruquaria, Venetiola. *Asia*: India, India Batavensi, Irania, Iraqula, Japonia, Palaestina, Philippinis Insulis, Siniis, Syria, Thallandia; *Oceania*: Australia, Nova Zelandia, cfr. *L'A. d. S. S. dal 15 Dicembre 1943 al 15 Dicembre 1944*, pp. 112-117; *dal 15 Dicembre 1944 al 15 Dicembre 1945*, pp. 114-119; *Aperçu sur l'œuvre du Bureau d'Informations Vatican 1939-1946*.

¹⁰⁰ Quoad Comitatus Catholicos pro Emigrantibus fere ubique erectos cfr. *L'A. d. S. S. dal 15 Dicembre 1946 al 15 Dicembre 1947*, pp. 131-135; *nel 1948*, pp. 115-127.

¹⁰¹ Hortatio Pastoralis ad parochos Urbis et concionatores sacri temporis Quadragesimalis, *Ci torna sempre sommamente gradito*, 16 Martii 1946, *L'azione caritatevole*, A. A. S., XXXVIII, p. 183 s. Ex innumeris operibus, ab Episcopis, ab Actione Catholica, a probatis viris institutis vel promotis, hic memorare oportet saltem: WAR RELIEF SERVICES (N. C. W. C.); opus AUMÔNERIE DES PRISONNIERS DE GUERRE cui prius suffectum est COMITÉ INTERNATIONAL DE L'AUMÔNERIE CATHOLIQUE, dein COMITÉ CATHOLIQUE DE SECOURS ac tandem SECOURS CATHOLIQUE; opus MISSION CATHOLIQUE SUISSE. Cfr. *L'A. d. S. S. dal 15 Dicembre 1943 al 15 Dicembre 1944*, pp. 112-117; *dal 15 Dicembre 1944 al 15 Dicembre 1945*, pp. 119-122; *dal 15 Dicembre 1946 al 15 Dicembre 1947*, pp. 122-125.

Nos igitur, solamen quod Catholica Ecclesia lugentibus atque derelictis afferre usque curavit, pro facultate illis statim praestitimus. Hunc in finem Nostram Missionem pro Palaestina institimus,¹⁰² qua, et in praesens, undique — sicut Apostolorum tempore iam fieri consuevit¹⁰³ — ac praesertim per peculiarem consociationem a Generali Conventu Episcoporum Civitatum Foederatarum Americae Septentrionalis conditam¹⁰⁴ collata catholicorum pecunia, necessitatibus Arabum profugorum subvenitur.

Exsulibus et profugis utpote egentioribus fratribus summa contentione studuimus omnium animos conciliare: miseram etenim illorum vitam pluries denuntiavimus, eorumdem iura vindicantes, et pro ipsis non una vice appellavimus omnium hominum ac praesertim catholicorum liberalitatem in radiophonicis nuntiis,¹⁰⁵ in allocutionibus vel

¹⁰² S. C. PRO ECCLESIA ORIENTALI, EX AUDIENTIA SSMI diei 9 Aprilis 1949; MISSION PONTIFICALE POUR LA PALESTINE, *Le Pape et la tragédie palestinienne*, Beyruth 1950; MICHEL GILLET, S. J., *L'Aide catholique aux enfants palestiniens réfugiés au Liban*, Beyruth, 1950.

¹⁰³ Cfr. *Act. Ap.*, XI, 27-30 et *Rom.*, XV, 25-28.

¹⁰⁴ CATHOLIC NEAR EAST WELFARE ASSOCIATION.

¹⁰⁵ Nuntius radiophonicus die 29 mensis Iunii a. 1941, in festo Ss. App. Petri et Pauli universo Orbi datus: de Divinae Providentiae ductu in humanae societatis eventis, *In questa solennità*, A. A. S., XXXIII, p. 319 ss.; Nuntius radiophonicus die 24 mensis Decembris a. 1942, in pervigilio Nativitatis D. N. Iesu Christi, universo Orbi datus, *Con sempre nuova freschezza*, A. A. S., XXXV, p. 9 ss.; Nuntius radiophonicus die 24 mensis Decembris a. 1943, in pervigilio Nativitatis D. N. Iesu Christi, universo Orbi datus, *Ancora una quinta volta*, A. A. S., XXXVI, p. 11 ss.; Nuntius radiophonicus die 1 Septembris a. 1944, quinto vertente anno ab initio praesenti bello, Orbi universo datus *Oggi, al compiersi del quinto anno*, A. A. S., XXXVI, p. 249 ss.; Nuntius radiophonicus universo Orbi die 4 mensis Aprilis a. 1946 datus, ad sollicitandum mutuum inter Nationes auxilium, ne indigentes fame pereant, *Stretto il cuore da intima angoscia*, A. A. S., XXXVIII, p. 165 ss.; Epistula Encyclica de indigentium puerorum cura alacrius hodie suscipienda, *Quemadmodum*, 6 Ianuarii 1946, A. A. S., XXXVIII, p. 5 ss.; Nuntius radiophonicus alumniis Scholarum Catholicarum Statuum Foederatorum Americae Septentrionalis datus ad sollicitandam caritatem erga pueros indigentes Europae et Asiae Orientalis, ne fame pereant, *Our loving greetings to you*, 19 Februarii 1947, A. A. S., XXXIX, p. 127 ss.; Nuntius radiophonicus datus christifidelibus Foederatorum Statuum Americae Septentrionalis, pro Nationibus indigentibus auxilia colligentibus, *Another Winter is approaching*, 23 Novembris a. 1947, A. A. S., XXXIX, p. 630 ss.; Nuntius radiophonicus clero et populo Argentinae Reipublicae, pro Nationibus indigentibus auxilia praestantibus, *Una vez más la voz*, 1 Februarii 1948, A. A. S., XXXX, p. 85 ss.; Nuntius radiophonicus alumniis Scholarum Catholicarum Statuum Foederatorum Americae Septentrionalis datus ad sollicitandam caritatem erga pueros indigentes aliarum Nationum, *Dear children*, 2 Martii 1949, A. A. S., XXXXI, p. 179 ss.; et passim.

sermonibus, quos, data occasione, habuimus, ¹⁰⁶ in litteris vel epistolis ad Archiepiscopos et Episcopos missis. ¹⁰⁷

« Illud potissimum — scribebamus ad Venerabiles Fratres Archiepiscopos, Episcopos locorumque Ordinarios Germaniae — in praesentiarum exacuere videtur atque urgere caritatem vestram ipsiusque Germaniae cleri, necessitas videlicet omni sacri ministerii ope atque auxilio prosequendi sive profugos vestrates, qui in regione Diasporae commorantur, sive exteros profugos, qui, familiaribus saepe suis, bonis et domibus amissis, coguntur sub tentoriis plerumque gregatim iacere in agris, miseram afflictamque trahentes vitam. Ad hoc genus proximorum laborantium convertant oculos animosque omnes boni Germani, praecipue sacri administri et socii Actionis Catholicae, ut nullum religionis et caritatis officium ab illis desideretur ». ¹⁰⁸

Item de sacris Palaestinae locis pertractantes, in Litteris Encyclicis *Redemptoris Nostri* acerbo animo conquesti sumus: « Plurimi adhuc ad Nos misere clamant, cuiusvis aetatis, cuiusvis conditionis profugi, qui ob calamitosum bellum ad exterarum regiones coacti sunt, atque adeo in custodiis locis exsulem vitam agunt, inopiae, morborum contagioni omneque genus periculis obnoxii. Haud Nobis incompertum est quantopere vel publica instituta vel privati cives contulerint ad aerumnosae huius multitudinis sortem relevandam; ac Nosmet ipsi in illis caritatis inceptis perseverantes, quae inde a suscepto Pontificatu inivimus, quidquid pro facultate potuimus non praetermisimus, ut gravioribus infelicis eius-

¹⁰⁶ Allocutio ad parochos Urbis et concionatores sacri temporis quadragesimalis: de praeceptis Decalogi, *L'inscrutable consiglio divino*, 22 Februarii 1944, A. A. S., XXXVI, p. 69 ss.; Allocutio ad Eños PP. Cardinales, in festo S. Eugenii I Pp., fausta ominantes, *Ancora una volta*, 2 Iunii 1947, A. A. S., XXXIX, p. 258 ss.

¹⁰⁷ Epistula Encyclica: publicae indicuntur supplicationes ad populorum pacem conciliandam, *Communium interpretes dolorum*, 15 Aprilis 1945, A. A. S., XXXVII, p. 97 ss.; Epistula ad Excñum P. D. Ioannem De Jong, Archiepiscopum Ultralectensem, ceterosque Hollandiae Episcopos, *Dum post innumeros*, 12 Maii 1945, A. A. S., XXXVII, p. 186 ss.; Epistula ad Excños PP. DD. Poloniae Archiepiscopos, Episcopos ceterosque locorum Ordinarios, *Per hos postremos annos*, 29 Iunii 1945, A. A. S., XXXVII, p. 205 ss.; Epistula ad Eñum P. D. Michaëlem S. R. E. Presb. Card. de Faulhaber, tit. S. Anastasiae, Archiepiscopum Monacensem et Frisingensem, ceterosque Excños PP. Germaniae Archiepiscopos, Episcopos locorumque Ordinarios, *Vixdum vobis Hcuit*, 1 Novembris 1945, A. A. S., XXXVII, p. 278 ss.

¹⁰⁸ Epistula ad Eños PP. DD. Michaëlem tit. S. Anastasiae S. R. E. Presb. Card. de Faulhaber, Archiepiscopum Monacensem et Frisingensem, Iosephum tit. S. Ioannis ante Portam Latinam, S. R. E. Presb. Card. Frings, Archiepiscopum Coloniensem, Conradum tit. S. Agathae, S. R. E. Presb. Card. von Preysing, Episcopum Berolinensem ceterosque Germaniae Archiepiscopos, Episcopos locorumque Ordinarios, *Disertae admodum litterae*, 20 Decembris 1948, A. A. S., XXXXI, p. 216 ss.

modi multitudinis necessitatibus consuleremus. At horum exsulum status tam anceps tamque instabilis est, ut diutius idem protrahi nequeat. Dum igitur auctores omnibus sumus, quotquot magno nobilique sunt animo, ut his extorribus maerore atque inopia affectis auxiliari pro viribus velint, vehementer eos appellamus, quorum res est, ut iustitia praebeatur omnibus, qui belli turbine longe a patriis laribus expulsi, nihil magis percipiunt quam tranquillam iterum ducere vitam». ¹⁰⁹

Gratos vero animi sensus exhibuimus dilectissimis Nobis in Episcopatu Fratribus, sacerdotibus iisque etiam ex quovis ordine civibus publicisque magistratibus atque sedulis institutionibus, qui multimodis homines profugos vel emigrantes ope sua consilioque iuvarunt. ¹¹⁰ Inter alias hic recolamus oportet epistolam quam ad Praesidem Generalis Episcoporum Civitatum Foederatarum Americae Septentrionalis Conventus rei Catholicae fovendae libenter misimus, ¹¹¹ necnon chirographum quod Australiae Episcopis, quinquagesimum annum ab inita Civitatum illarum Foederatione feliciter celebrantibus, gratulantes dedimus. ¹¹²

¹⁰⁹ 15 Aprilis 1949, A. A. S., XXXI, p. 162.

¹¹⁰ Epistula ad Eñum P. D. Samuelem tit. S. Agnetis extra moenia S. R. E. Presb. Card. Stritch, Archiepiscopum Chicagiensem, XXV Episcopatus annum feliciter explentem, *Proximo exeunte mense Novembri*, 16 Octobris 1946, A. A. S., XXXIX, p. 33 s.; Epistula ad Eños PP. DD. Iosephum tit. S. Ioannis ante Portam Latinam S. R. E. Presb. Card. Frings, Archiepiscopum Coloniensem, Michaëlem tit. S. Anastasiae S. R. E. Presb. Card. de Faulhaber, Archiepiscopum Monacensem et Frisingensem, Conradum tit. S. Agathae S. R. E. Presb. Card. von Preysing, Episcopum Berolinensem ceterosque Germaniae Archiepiscopos, Episcopos locorumque Ordinarios, *Commoti valde sumus*, 1 Decembris 1947, A. A. S., XL, p. 544 ss.: « Ex epistola quidem vestra non tenuem solatii causam tum percipimus, cum animadvertimus, vobis praeceuntibus, sacerdotes et religiosos sodales probata industria et multo labore christifidelibus curandis totos se dedere, praesertim his, qui acerbiori sorte afflictis, domo expulsi, « Diasporae » regiones incolunt. Quorum Evangelii opificum par virtus, sed impar numerus. Quam ob rem enixe exstimulamus eos, qui aetate, viribus, agendi strenuitate valent, ut, cum ipsis persuasum sit illic accommodatiorem esse Dei administrorum locum, ubi est maior patientia malorum, ad miserabiliores fratres convolent, praeclara promerita sibi comparaturi, quibus a Deo non deerunt aequissima praemia » l. c., p. 545; Allocutio ad Excmum Virum Nicolaum C. Accame, Argentinae Reipublicae Oratorem extra ordinem liberis cum mandatis, Litteras publicas porrigentem, *En la cúspide misma*, 6 Martii 1948, A. A. S., XL, p. 112 ss.: Epistula ad Eñum P. D. Emmanuelem tit. S. Honophrii in Ianiculo S. R. E. Presb. Card. Suhard, Archiepiscopum Parisiensem, quina lustra sacerdotii feliciter explentem, *Opportunum sane*, 20 Novembris 1948, A. A. S., XXXI, p. 27 s.

¹¹¹ Epistula ad Excmum P. D. Ioannem T. Mc Nicholas, Archiepiscopum Cincinnatiensem ac Praesidem consilii NATIONAL CATHOLIC WELFARE CONFERENCE: ob auxilium commigrantibus aliisque miseris ab ipso Consilio provide praestitum, *In fratres caritas*, 24 Decembris 1948, A. A. S., XXXI, pp. 69-71.

¹¹² « ... Nor in recalling your good works should We fail to mention the spirit of Christian charity which opened the doors of your country to welcome so large a number of

Summos praeterea Civitatum moderatores, institutionum praesides, quotquot sunt probi volentesque homines instanter compellavimus, ut gravissimam profugorum et emigrantium hominum causam intento animo considerarent atque persolverent; ¹¹³ exagitarent simul quae discrimina populi omnes belli causa sustinerent et quae essent tantis remedia adhibenda malis; perpenderent tandem quantum interesset humanae societatis ut, collatis et consiliis et viribus, celeriter efficienterque tot urgentioribus miserorum necessitatibus subvenirent, postulata iustitiae cum caritatis rationibus componentes: « Multis quidem, quae in re sociali habeantur, iniustis condicionibus caritas aliquatenus mederi potest; id tamen non satis. Principio enim iustitiam vigescere, dominari ac reapse ad effectum deduci opus est ». ¹¹⁴

the dispossessed victims of the war and of the those constrained to emigrate by unemployment and the pressure of surplus populations. Especially would We commend the splendid organization which you, Venerable Brethren, so painstakingly established throughout the Australian nation to ensure that the Catholics amongst those *New Australians* should not lack for religious assistance and, as so often happened as a result of the spiritual neglect of the emigrant, be lost to the faith. This example of Catholic Action is worthy of high commendation ... », *L'Osservatore Romano*, 28 Aprile 1951, n. 98.

¹¹³ Nuntius radiophonicus die 24 mensis Decembris a. 1944, in pervigilio Nativitatis D. N. Iesu Christi, universo Orbi datus, *Benignitas et humanitas apparuit Salvatoris nostri Dei*, A. A. S., XXXVII, p. 10 ss.; Epistula ad egregium Virum Carolum Flory, Praesidem Coetus Conventibus Catholicorum « Semaines Sociales » in Gallia apparandis, *Nous avons pris*, 14 Iulii 1945, A. A. S., XXXVII, p. 210 ss.; Allocutio, die 24 Decembris a. 1946, in pervigilio Nativitatis D. N. Iesu Christi, adstantibus Eñis PP. DD. Cardinalibus et Excñis DD. Episcopis ac Romanae Curiae Praelatis, *Vi fu mai nella storia*, A. A. S., XXXIX, p. 7 ss.; Allocutio ad Excñum Virum Conradum Traverso, novum Argentinae Reipublicae Oratorem extra ordinem liberis cum mandatis Litteras publicas porrigentem, *En virtud de la misión*, 12 Ianuarii 1947, A. A. S., XXXIX, p. 56 s.

¹¹⁴ Litterae Encyclicae, de Sacris Missionibus provehendis, *Evangelii Praecones*, 2 Iunii 1951, A. A. S., XXXXIII, p. 518; Declaratio a Nobismetipsis tradita Honorabili Viro G. I. van Heuven Goedhart, Supremo pro profugis Commissario apud « United Nations Organization » coram admissio d. 27 Maii 1952: « Among the many painful and distressing problems created by the war, there is one which, despite the organized efforts made in recent years to solve it, remains a source of grave preoccupation. It is that of the refugees, those of our fellow-men who under pressure of political events, have been forced to abandon their homesteads and country and seek hospitality and a livelihood in foreign lands. If We plead their cause, it is to give a renewed expression to the abiding interest which We have ever taken in their sad lot, and to pledge the continued support of the Holy See for the praiseworthy work being accomplished by international organizations for the alleviation of their pitiable condition. In this regard We warmly commend the recent initiative of the United Nations High Commissioner for Refugees which has its objective the establishment of a fund for the purpose of providing for the essential human needs of the many refugees who, by reason of their extreme poverty, are unable to maintain themselves while awaiting resettlement. Our earnest solicitude for these sorely afflicted members of the human family urges Us to exhort governmental autho-

Ad universos pariter emigrantes filios ab ipso susceptae Apostolicae servitutis initio oculos Nostros impense convertimus, de eorumdem bono cum aeterno tum temporali quam maxime solliciti.¹¹⁵

Quapropter de iure migrationis, ipsius terrae in qua homines degunt freto natura, quinquagesimo vertente anno a Litteris Encyclicis *Rerum Novarum* editis, in festo Pentecostes die 1 mensis Iunii a.MCMXLI sermonem habuimus, ex quo nonnulla, Latine reddita, referre placet: « Terra enim in qua degimus, late patentibus cincta oceanis, maribus et lacubus circumdata, planis atque montibus exornata perenni obrutis nive, incultis instructa locis regionibusque desertis ac infoecundis, vivendi sane suppetit rationem, ampliora exhibens spatia quae etsi fortunae licentiae in virescendo permissa, hominum tamen labori, necessitatibus, civilibusque studiis perapta videntur: neque semel huc illucque migrantes familiae aliam patriam expetere coguntur. Qua de causa, ut in Litteris Encyclicis *Rerum Novarum* sapienter exponitur, familiarum ius ad vitale spatium sibi comparandum iugiter servari debet.

Hoc si contigerit, finem quem natura sua intendit, quemque experientia probat, emigratio assequetur, aequiorem nempe in continenti terra — quae in universorum utilitatem a Deo est condita — hominum partitionem, agriculturalum coloniis idoneam. Ubi enim utraque pars, quarum altera a patria cives abire concedit altera excipere non renuit, vere solliciteque studuerit ea remove, quae fiducia exorienti et progredienti inter emigrationis et immigrationis regiones impedimento exsistent, omnes eiusmodi locorum et hominum permutationis participes neque commodi erunt expertes; inde enim familiis solum suppeditabitur, propria verbi acceptione nova patria futurum, inde incolis conferta loca minus frequentia fient eorumque populi in exteris finibus novas sortientur gentes amicas; inde respublicae emigrantes excepturae civibus ditabuntur operosis. Diciones itaque sive concedant sive accipiant migrantes cives, humanae societatis bonum et civilis consortionis incrementum pro-

rities as also social service and charitable associations to co-operate wholeheartedly in fostering this very laudable initiative and to contribute generously to this most timely appeal. In doing so, We feel confident that We are voicing the sentiments of all those who, because they dearly cherish the Christian values and freedom for which, in such great part, these refugees are suffering, cannot remain unmoved by their present adversity nor be indifferent to their future destiny » *L'Osservatore Romano*, 18 Luglio 1952, n. 167.

¹¹⁵ Chirographum die 3 Martii 1949 datum: « Ai cari figli Nostri che le vicende della vita conducono sotto altri cieli in cerca di lavoro e di pane, Noi ripetiamo per la loro felicità, temporale ed eterna, l'ammonimento del vecchio Tobia: "Tutti i giorni della tua vita abbi Iddio nella tua mente; e ricordati di non consentire al peccato e di non trasgredire i precetti del Signore Dio Nostro". Alle loro persone, alle loro famiglie, al loro avvenire imploriamo la divina assistenza e con paterno cuore benediciamo. PIUS PP. XII ».

fecto contendent fovere ». ¹¹⁶ Quae quidem generalia iuris naturae principia, anno insequenti, sub Natalicia Iesu Christi sollemnia coram Sacro Purpuratorum Patrum Collegio Praesulumque coetu, revocavimus. ¹¹⁷

Die autem XXIV Decembris a. MCMXLVIII hac de re aperte conscripsimus ad Sacros Pastores Foederatarum Americae Civitatum: « Novistis siquidem quam anxii cogitationibus et curis Nos eos prosequamur, qui rebus publicis in patria subversis aut operis victusque inopia pressi, domesticos linquere lares et ad exterarum gentes suas sedes transferre coacti sunt. Quibus ut pateant commigrandi viae, haud minus in humanum genus pietas quam naturae ius ipsum suadet. Rerum enim universarum Creator praecipue in bonum omnium bona omnia condidit: itaque singularum Civitatum dominium quantumvis verendum, non debet adeo produci ut, cum copiam multos alendi ubivis praebeat tellus, per haud sufficientes et aequas causas recusetur accessus egenis alibi natis honestisque moribus praeditis, quandoque hoc publicae utilitati, vera libera ponderandae, non officiat.

Consiliorum Nostrorum conscii, vos nuper adnixi estis et naviter effecistis ut, providi vi decreti, quod alia ampliora subsequutura speramus, haud pauci e patria profugi vestras terras inire possint, itemque commigrantibus, sive cum ii domo proficiscuntur, sive cum istuc adveniunt, apta lectorum hominum opera consulitis, insigniter in rem deducentes illud sacerdotalis benevolentiae praeceptum: "Sacerdotis est nulli nocere, prodesse velle omnibus" (S. Ambrosius, *De officiis ministrorum*, lib. III, c. IX) ». ¹¹⁸

At neminem verba audientem tum in pervigilio Nativitatis Domini anno MCMXLV a Nobis prolata, ¹¹⁹ tum in allocutionibus nuper creatis

¹¹⁶ Nuntius radiophonicus in festo Pentecostes, die 1 mensis Iunii a. 1941, per universum Orbem emissus, quinquagesimo exeunte anno a Litteris Encyclicis *Rerum Novarum* a Leone Pp. XIII f. f. datis, *La solennità della Pentecoste*, A. A. S., XXXIII, p. 203.

¹¹⁷ Nuntius radiophonicus die 24 mensis Decembris a. 1942, in pervigilio Nativitatis D. N. Iesu Christi, universo Orbi datus, *Con sempre nuova freschezza*, A. A. S., XXXV, pp. 16-17: quod attinet ad versionem Latinam cfr. A. A. S., XXXIII, pp. 518-519; Allocutio, Participantibus Conventui internationali Studiorum rerum socialium et Conventui Sodalitatis internationalis socialis christianae Romae habitis, *Nous vous adressons*, 3 Iunii 1950, A. A. S., XXXII, p. 485 s.: « Il faut regarder bien en face, dans toute son ampleur, le devoir de donner à d'innombrables familles, dans leur unité naturelle, morale, juridique, économique, un juste espace vital répondant, fût-ce dans une mesure modeste, mais tout au moins suffisante, aux exigences de la dignité humaine », l. c., pp. 485-486.

¹¹⁸ Cfr. notam 111, A. A. S., XXXI, pp. 69-70.

¹¹⁹ Sermo habitus die 24 Decembris a. 1945 in pervigilio Nativitatis D. N. Iesu Christi, adstantibus Emis PP. DD. Cardinalibus et Excmis DD. Episcopis ac Romanae Curiae Praelatis, *Negli ultimi sei anni*, A. A. S., XXXVIII, p. 15 ss.

Cardinalibus die XX Februarii MCMXLVI¹²⁰ et Legatorum coetui apud Sanctam Sedem exstantium die XXV eiusdem mensis habitis, neminem, dicimus, effugere potest qua cordis trepidatione cunctorum fidelium Pater anxius moveretur. Quibus in allocutionibus ac radiophonicis nuntiis principia « totalitarismi » et « imperialismi » Status necnon immoderati « nationalismi » placita districtis verbis condemnavimus, quippe quae dum ex una parte naturale hominum ius ad emigrandum vel ad colonias constituendas ad arbitrium coërceant, ex altera vero populos aliunde migrare compellant, incolas invitos deportent civesque e familia, e domo, e patria abstrahere nequissime audeant. In praedicta allocutione Nationum Oratoribus et Legatis habita, Nostram voluntatem iustae firmaeque pacis fovendae, multifariam iam pridem apertam, sollemni adstante conventu, iterum affirmare voluimus: altera, quam ad hanc pacem assequendam ostendimus, via mutuis inter populos relationibus favet, ita quidem ut et exsulibus ac profugis hominibus ad sua tandem redire liceat, et egenis seu domi necessariis ad vitam destitutis, in alias emigrare regiones.¹²¹

¹²⁰ Allocutio, die 20 Februarii a. 1946, adstantibus Eñis ac Revñis Patribus Cardinalibus recenter creatis, *La elevatezza e la nobiltà dei sentimenti*, A. A. S., XXXVIII, p. 141 ss.: « L'uomo, quale Iddio lo vuole e la Chiesa lo abbraccia, non si sentirà mai fermamente fissato nello spazio e nel tempo senza territorio stabile e senza tradizioni... La lunga esperienza della Chiesa come educatrice dei popoli lo conferma; essa perciò ha cura di congiungere in ogni modo la vita religiosa coi costumi della patria e cura con particolare sollecitudine coloro che l'emigrazione o il servizio militare tiene lontani dal paese natio. Il naufragio di tante anime dà tristemente ragione a questa materna apprensione della Chiesa e obbliga a concludere che la stabilità del territorio e l'attaccamento alle tradizioni avite, indispensabili alla sana integrità dell'uomo, sono anche elementi fondamentali della comunità umana. Sarebbe però evidentemente un capovolgere e convertire nel suo contrario il benefico effetto di questo postulato, se alcuno volesse servirsene per giustificare il rimpatrio forzato e la negazione del diritto di asilo riguardo a coloro che per gravi ragioni desiderano di fissare altrove la loro residenza », l. c., p. 147.

¹²¹ Allocutio II, Die 25 mensis Februarii a. 1946, nobilissimis verbis, quibus, adstantibus Eñis ac Revñis Patribus Cardinalibus, Excñus Vir Antonius Carneiro-Pacheco, Lusitaniae Orator extra ordinem, qua Decanus praesentium Legatorum ceterarum Nationum devoti gratique animi sensus post recens Consistorium Beatissimo Patri expressit, Sanctitas Sua haec benigne respondit: *L'élévation des pensées*, A. A. S., XXXVIII, p. 152 ss.: « Une telle paix ne sera pas l'œuvre d'un jour: elle coûtera beaucoup de temps, beaucoup de peines. Si l'on Nous demande en quoi les Représentations diplomatiques peuvent, indépendamment de leurs fonctions officielles, la favoriser, il Nous semble pouvoir signaler à leur bonne volonté une double sphère d'activité. La première est d'ordre pratique; elle vise à des réalisations immédiates. Les diplomates ont désormais, la guerre finie, maintes occasions de faciliter dans la mesure du possible les communications et les relations de Pays à Pays. Or, à présent que des millions d'hommes, honnêtes et laborieux, éplient avec une impatience anxieuse le moment

In allocutione Purpuratis Patribus in die festo Patroni Nostri, eodem anno habita, ¹²² iterum invitabamus Nationes, quae territorii vastitate praestant et pari incolarum numero sunt expertes, ut homines vellent excipere, qui in frequentissimis commorarentur regionibus. Quas inter, ut neminem fugit, Japonia in praesentiarum praecipuum locum tenet.

Itemque auspicati sumus in pervigilio Nativitatis Domini anno MCMXLVIII: fovendam esse potius, dicebamus, familiarum emigrationem et immigrationem in regiones quae ipsis necessaria vitae suppeditare possint, quam vectigalia magnis cum impensis ad profugas remittere gentes. ¹²³ Ideo Senatores Civitatum Foederatarum Americae Septentrionalis, Comitatus pro Immigratione addictos, qui Romam paucos abhinc annos convenerunt, rursus adhortati sumus ut strictiores quae in suis Civitatibus de immigratione vigerent leges, latius pro facultate applicare conarentur. ¹²⁴ Hoc idem proclamare et urgere non omisimus cum illustres e publico Legumlatorum Coetu Viros Foederatarum Americae Septentrionalis Civitatum negotiis profugorum ex Europa migrantium praepositos ¹²⁵ et Comitatus addictos publicis sumptibus moderan-

de retourner à leurs patries, à leurs familles, dont ils sont séparés peut-être depuis de longues années, que d'autres sont tristement en quête d'une nouvelle patrie pour y vivre une nouvelle vie parmi de nouvelles occupations, quelle œuvre de charité et de paix on accomplit en leur venant en aide! », *l. c.*, p. 154 s.

¹²² Allocutio ad Emissos PP. DD. Cardinales, in festo S. Eugenii I Pp., fausta omissantes, 1 Iunii 1946, *Ancora una volta*, A. A. S., XXXVIII, p. 253 ss.

¹²³ Nuntius radiophonicus relatus in pervigilio Nativitatis D. N. Iesu Christi anno 1948, adstantibus Emissis PP. DD. Cardinalibus et Excelsis DD. Episcopis ac Romanae Curiae Prae-latis, *Gravi ed ad un tempo tenere*, A. A. S., XXXXI, p. 5 ss.

¹²⁴ « Yet it is not surprising that changing circumstances have brought about a certain restriction being placed on foreign immigration. For in this matter not only the interests of the immigrant but the welfare of the country also must be consulted. However it is not too much, We are sure, to expect that in the process of restriction, Christian charity and the sense of human solidarity existing between all men, children of the one eternal God and Father, will not be forgotten. Immigration can help in solving one of Europe's saddest human problems,—a problem which is being aggravated inhumanely by the enforced transfer of helpless, innocent populations », *L'Osservatore Romano*, 14 Marzo 1946, n. 62.

¹²⁵ « One further and controlling observation, dictated by the sacred trust committed to Our charge, you will not fail to understand. Political, economic and even social dangers are involved in a policy of further delay or exaggerated caution. But these dangers, real and serious though they be, are derivative and secondary. Our prime anxiety—as We are sure it is yours deep down in your hearts—touches the judgement of history and of history's Lord on the fulfillment of that gravest duty of man to man and of nation to nation, which calls for respect for the image of God in even the weakest and most abandoned of his children. No reason of State or pretext of collective advantage, as We had occasion to emphasize once more only a few days ago, can avail to justify the contempt

dis libenti animo excepiimus;¹²⁶ ac nuperrime cum paternum nuntium ad dilectum Brasiliae populum dedimus die IV mensis Iunii vertentis anni.¹²⁷

Peroportunum esse innuimus normas quoque seu regulas inter nationes ferri, emigrationi et immigrationi faventes, in allocutione quam habuimus die II Iulii MCMLI iis, qui adfuerunt Internationali Catholico-
rum Conventui, Romae celebrato, ad dignam ruricularum vitae conditionem provehendam.¹²⁸ Serius, nonnullis libentissime coram admissis praeclaris viris, qui Neapolim in Congressum e variis nationibus conveniant, ut de emigratione causam agerent, negotii huiusmodi gravitatem proposuimus.¹²⁹

Omnium itaque bonorum largitori Deo, qui Ecclesiae suae Sanctae benignissimus adfuit, gratias immortales agimus. Ipso enim auxiliante, sollicito omnium Consiliorum vel Officiorum studio ac labore, haec, inter cetera, proposita beneficentiae ac pietatis opera peragi potuerunt: coloniae pueris et puellis aestivalis mensibus vel continenter alendis, quae et emigratorum liberos, ex variis advenientes nationibus, omni cura exceperunt; instituta orphanis vel puerulis bello infortunatis tutandis; apparatus mensae seu cenacula egenis saturandis; diversoria

of that human dignity and the denial of those elemental human rights which the Creator has imprinted on the soul of each of His creatures », *L'Osservatore Romano*, 3-4 Ottobre 1949, n. 230.

¹²⁶ « But We dare say the further question has risen more than once in your minds, if not to your lips: is the present immigration policy as liberal as the natural resources permit in a country so lavishly blessed by the Creator and as the challenging needs of other countries would seem to demand? Your travels no doubt will afford much data for the answer to that question », *L'Osservatore Romano*, 23 Ottobre 1949, n. 247.

¹²⁷ « O vosso país é grande e rico. Mas a imensidão do seu território só vos será de proveito se for, e na medida em que for, a morada feliz de um número sempre crescente de famílias, corporal e espiritualmente sadias. Como são grandes e dilatados os vossos campos e terras, sejam também abertos e patentes os vossos corações, para receberem aqueles que desejam ir buscar junto a vós nova pátria, onde viver honestamente em companhia dos seres queridos », *L'Osservatore Romano*, 21-22 Luglio 1952, n. 170.

¹²⁸ Allocutio, habita die 2 Iulii a. 1951, *Soyez ici les bienvenues*, A. A. S., XXXXIII, p. 554 ss.

¹²⁹ « Nous n'avons pas besoin de vous dire que l'Eglise Catholique se sent obligée au plus haut point de s'intéresser à l'œuvre des migrations. C'est qu'il s'agit de remédier à d'immenses nécessités: le manque d'espace et le manque de moyens d'existence, parce que la vieille patrie ne peut plus nourrir tous ses enfants et que la surpopulation contraint ceux-ci à émigrer; la misère des réfugiés et des refoulés, qui par millions sont forcés de renoncer au pays où ils sont nés, perdu pour eux, et d'aller au loin s'en chercher et s'en édifier un autre. L'Eglise ressent ces détresses d'autant plus qu'elles atteignent en très grande partie ses propres enfants », *L'Osservatore Romano*, 19 Ottobre 1951, n. 243.

ad accipiendos nuper restitutos homines profugos vel captivos in patriam redeuntes et ad reficiendos homines eorumque familias ad externa demigraturos; munera natalicia pueris et captivis iussu Nostro oblata; adiumenta iuvenibus e quavis gente praestita, ut cum patria procul degerent, in athenaeis externarum regionum per vim intermissa possent revocare studia; non pauci per varias Europae nationes commeatus ad ferendam opem, alimenta, vestes, medicinas egenis ceterisque bello infortunatis; domus allevandis militibus procul a patria stipendia merentibus.

Quum saeviente immani bello, ingens hominum multitudo infantium, mulierum, infirmorum ac senum ex oppidis et vicis hostilibus incursionibus vastatis, ex Italiae praesertim depopulatis terris, Romam singulis fere horis catervatim conflueret, a Communi Patre salutem ac refugium petitura, eo amplius dilatavimus spatia caritatis: tangebant enim animum Nostrum tot exsulum et profugorum hominum gemitus Nosque, eadem miseratione commotos, Dominicum illum iuebant iterare questum « Misereor super turbam ...! ». ¹³⁰ Omnibus idcirco, Aedes Nostrae sive Vaticanae sive Lateranenses sive, potissimum, hae ad Arcem Gandulphi atque illae, quae Romanis Basilicis sunt continentes domus, religiosorum instituta, seminaria et ecclesiastica collegia Urbis tunc maxime patuere. Ideo cum universus fere mundus diris flagraret invidiis fraternoque sanguine difflueret, sacra Romana Urbs Aedesque, quas supra memoravimus, factae sunt sedes ac domicilium caritatis.

Nobis datum est insuper innumeros milites captivosque religionis caritatisque inceptis erigere; eorum cappellanos spiritualibus auxiliis recreare; exsules in patriam restituere; inermes cives, exsilio et vinculis immerito damnatos, in libertatem vindicare; a carcere et a certa morte longinque deportatos homines liberare anxisque reddere parentibus; profugis hominibus vel ad exterarum hospitales regiones migraturis itinera apparare; extorres clericos ac presbyteros, pro apostolica fide et catholica unitate tanta perpessos, hospitio excipere iisque e patria profugis novum apostolatus campum apud suos cives emigratos vel exsules assignare; emigratos bene multos et potissimum opifices extra patriam laboris causa commorantes, omnimodis reficere; teneram infantium sustentare tuerique vitam et infirmorum curare salutem; condere sepulchro sacra pignora eorum qui in bello oppetierunt, desideratos cineres custodire et in patriam inferre.

Exinde cupimus gratam quoque voluntatem Nostram iis omnibus pro-

¹³⁰ MARC., VIII, 2.

fiteri qui, etsi tantis privatim publiceque premerentur adversis, hortamentis tamen Nostris largiter responderunt.

Commota recordatione adhuc usque recolimus ingentem profugorum hominum multitudinem, flagrante bello, Romam confluentem infelicesque filios, exsules vel in custodiae locis detentos, qui ex multis Europae regionibus Urbem peregrinantes petierunt piaculares indulgentias acquisituri; quos libentissime coram admissos, paterne allocuti sumus, eorum effusas lacrimas abstersimus acerbatumque animum in christianam spem ereximus.¹³¹

Maerenti quidem animo iterum iterumque recogitamus perdilectos filios Episcopos, sacerdotes ac sacras virgines e suis sedibus iniuria abstractos ceterosque vel ad vincula vel ad coactos labores damnatos atque inhumanam prorsus rerum condicionem sortitos.

Hos miseros omnes errantes homines, de quibus indesinenter angimur,¹³² Aeterno Patri ac dulcissimo Redemptori Nostro, qui fons est totius consolationis, effusis precibus continenter commendavimus ut caelestibus recrearentur muneribus ac solaciis,¹³³ etiamnum Deum iugiter

¹³¹ Allocutio die 12 mensis Martii a. 1944 habita, coram christifidelibus ob aerumnas belli in Urbem profugis ceterisque de populo, in foro Sancti Petri in Vaticano, *Nella desolazione*, A. A. S., XXXVI, p. 97 ss.; « Per i profughi stranieri sono stati organizzati, d'accordo con il Comitato Centrale Anno Santo, con l'I. R. O. e con i War Relief Services della N. C. W. C., 17 pellegrinaggi ai quali hanno partecipato gli ospiti dei campi d'Italia, appartenenti alle nazionalità russa, ucraina, polacca, ungherese, albanese, rumena, bulgara, croata, slovena, serba, tedesca, armena, ceca, slovacca e lituana e profughi romeni residenti in Germania, Austria e Francia. In totale 1.500 profughi stranieri hanno lucrato il Giubileo »: *L'A. d. S. S. nel 1950*, p. 413.

¹³² Epistula ad Eñum P. D. Michaëlem S. R. E. Card. de Faulhaber, Archiepiscopum Monacensem et Frisingensem ceterosque Excēmos PP. Bavariae Archiepiscopos et Episcopos, *Lactitiam cepimus*, 15 Augusti 1945, A. A. S., XXXVII, p. 249 ss.: « Qua re ut vestratibus pro viribus faveamus, apud foederatas Anglorum et Americanorum Civitates operam Nostram ponere non omittemus, quamvis in his negotiis expediendis multae difficultates obsistere suserint. Quandoquidem autem valde optamus civibus vestris auxilia solaciaque conferre, prout ardua rerum adiuncta sinunt et postulant, Nobis quam maxime cordi erit vestros iuvare captivos, nunc praesertim ut ab ipsorum familiis nuntios accipiant iisdemque reddant vicissim », l. c., p. 251.

¹³³ Motu proprio, Eucharistica Sacrificia ac publicae supplicationes indicuntur, die 24 mensis Novembris a. 1940 ubique terrarum habenda, pro praesentibus societatis humanae necessitatibus, *Norunt profecto*, 27 Octobris 1940, A. A. S., XXXII, pp. 385-386; Homilia, die 24 mensis Novembris a. 1940, in Basilica Vaticana habita, infra Missam coram populo supplicante pro praesentibus societatis humanae necessitatibus celebratam, A. A. S., XXXII, p. 531 ss.; Allocutio die 12 mensis Martii a. 1944 habita, coram christifidelibus ob aerumnas belli in Urbem profugis ceterisque de populo, in foro Sancti Petri in Vaticano, *Nella desolazione*, A. A. S., XXXVI, p. 97 ss.: « Tu, che nelle braccia della Tua Santissima e dolcissima Madre Maria e sotto la vigile cura del Tuo castissimo Padre putativo Giuseppe, ancor tenero fanciullo volesti esser profugo, concedi a coloro, che

exorantes ut « qui profugi, qui captivi, qui extorres longe a patriis laribus abstrahuntur ad dulcissimam possint quantocius patriam remeare suam ». ¹³⁴

Instantem insuper Nostri officii partem adimplere duximus nonnullos ecclesiasticos viros deligendo alacritate commendatos, qui animarum bonum in popularium coloniis longe a patria deductis sedulo promoverent et omnia, quae a sacerdotibus eiusdem sermonis suscipienda forent, suapte auctoritate moderarentur ac firmarent; quos Praesules peculiari mandato, utpote Visitorum, a Nobis instructos et aptis facultatibus munitos, optata Nostra iam perfecisse libenter perspeximus.

Interea non sine multa animi Nostri delectatione in commodum fidelium ex Hollandia sive ad externa emigrare contententium sive iam priorem emigratorum uberrime adlaborasse novimus Catholicum Opus pro emigrantium cura, quod Sacrorum eiusdem Nationis Antistites excitandum curaverant; ¹³⁵ succevisse pariter numerum sacerdotum, qui praesertim Belgium, Galliam, Germaniam, Helvetiam, Hollandiam, Magnam Britanniam necnon longinquas Americae regiones petierunt non solum suis civibus emigratis opitulaturi, sed etiam ubi sacrorum ministrorum minor praesto esset copia, uti in nonnullis Americae Latinae dioecesis, in indigenarum cura adlaboraturi. Peculiari mentione co-honestandi videntur Itali Episcopi quippe qui, Sacra Congregatione Consistoriali componentem, ¹³⁶ unum alterumve sacerdotem ad externa mitti libenter siverint et Hispani Praesules quorum sollertiae tribua-

oggi vagano randagi senza tetto, quella immutabile conformità al volere divino, che allora elevò e santificò le sofferenze del Tuo esilio e della Tua famiglia », *l. c.*, p. 100; Epistula ad Em̃um P. D. Michaëlem S. R. E. Presb. Card. de Faulhaber, tit. S. Anastasiae, Archiepiscopum Monacensem et Frisingensem, ceterosque Exc̃mos PP. Germaniae Archiepiscopos, Episcopos locorumque Ordinarios, *Videtur vobis licuit*, 1 Novembris 1945, *A. A. S.*, XXXVII, p. 278 ss.: « Vestratibus igitur omnibus, atque illis nominatim, qui, ad milia bene multa, e domesticis laribus extrusi infeliciter ubique aberrant, divinam Nostri precibus misericordiam imploramus. Iam e'apsis mensibus nullam praeteriri volumus opportunitatem, qua Nobis liceret vestram vestrorumque sortem, ad victum praesertim quod attinet, pro viribus mitigare; atque in praesens etiam hac una tenemur studiosa voluntate, ut paternis nempe optatis ac votis, quae causa vestra suscepimus, felix exitus respondeat », *l. c.*, p. 283.

¹³⁴ Indictio universalis Iubilaei Anni Sancti 1950, *Iubilaeum Maximum*, 26 Maii 1949, *A. A. S.*, XXXI, p. 260.

¹³⁵ KATHOLIEKE CENTRALE EMIGRATIE-STICHTING; Cfr. *Pius Almanak* (Adresboek van katholieke Nederland), 1952, p. 762.

¹³⁶ S. C. CONSISTORIALIS, Litterae circulares ad Exc̃mos ac Reṽmos Italiae Ordinarios, *Facendomi interprete*, 24 ottobre 1951, *A. A. S.*, XXXIV, p. 231.

tur oportet Opus sacerdotalis cooperationis inter Hispaniam et Americam, ¹³⁷ hisce nostris temporibus obortum.

Ne quis vero religiosas familias putet exiguas huc contulisse partes, tantum significare sufficiat regulares saecularibus sacerdotibus ac Praesulibus in passione ac in labore socios ultro oblatos, plures quam antea dissitas adiisse regiones et sueta alacritate adlaborantes magnam laudem esse consecutos. Antiquis Ordinibus et Clericis regularibus recentioribusque Congregationibus et Societatibus in hoc etiam apostolatus genere conspicuis, nuper est addita, ab hac Apostolica Sede adprobata, ¹³⁸ Societas Christi pro emigrantibus in archidioecesi Gnesnensi iam anno MCMXXXII condita, spiritualement curam Polonorum longe a patria exstantium gestura.

Asiduam Nostram in Orientales extorres filios sollicitudinem impendentes, inter cetera, vicariaturn patriarchalem Maronitarum in dioecesim Cahirensen Maronitarum ereximus pro fidelibus Maronitis, qui ex Libano in Aegyptum frequenter demigrant vel stabile in regione illa domicilium habent; ¹³⁹ item exarchatum Ruthenorum in ditione Canadensi tripartito divisimus ac tres exarchatus, Centralem, Orientalem et Occidentalem constituimus; ¹⁴⁰ a Centrali deinceps territorii partem distrahentes, novum exarchatum pro fidelibus Ruthenis provinciae Saskatchewan instituimus; ¹⁴¹ novissime autem ordinariaturn pro fidelibus ritus Orientalis in Brasilia commorantibus ereximus. ¹⁴²

Collegium insuper Lituorum a S. Casimiro in Urbe instituendum curavimus ad excipiendos clericos et ecclesiasticos viros ex illa regione profugientes. ¹⁴³

Incundissimum tandem Nobis fuit Sanctum Franciscum a Paula peculiarem Universitatum maritimae gentis curis praepositarum, navigationis Societatum naviculariorumque omnium Italicae Ditionis caelestem apud Deum Patronum ¹⁴⁴ constituere et Beatae Franciscae Xa-

¹³⁷ OBRA DE COOPERACIÓN SACERDOTAL HISPANO-AMERICANA, Matriti anno 1948 fundata.

¹³⁸ S. C. NEGOTIIS RELIGIOSORUM SODALITUM PRAEPOSITA, Decretum Laudis, 22 Aprilis 1950.

¹³⁹ Constitutio Apostolica, *Inter praecipuas*, 22 Iunii 1946, A. A. S., XXXIX, p. 84 ss.

¹⁴⁰ Constitutio Apostolica, *Omnium cuiusvis ritus christifidelium*, 3 Martii 1948, A. A. S., XXXX, p. 287 ss.

¹⁴¹ Constitutio Apostolica, *De Ruthenorum*, 19 Martii 1951, A. A. S., XXXXIII, p. 544 ss.

¹⁴² *L'Osservatore Romano*, 2-3 maggio 1952, n. 104.

¹⁴³ S. C. DE SEMINARIIS ET STUDIORUM UNIVERSITATIBUS, Decretum, *Feliciter peracta*, 1 Maii 1948, A. A. S., XXXX, p. 298 s.

¹⁴⁴ Litterae Apostolicae, *Quod Sanctorum patronatus*, 27 Martii 1943, A. A. S., XXXV, p. 163 s.

veriae Cabrini Sanctorum honores decernere,¹⁴⁵ eamdemque omnium emigrantium caelestem apud Deum Patronam declarare.¹⁴⁶

* * *

Tam opportune ab hac Apostolica Sede suscepta et a Pastoribus inita consilia, alacriter cooperantibus sacerdotibus, religiosis sodalibus, christifidelibus, — quorum nomina etsi ut plurimum in rerum gestarum historiis non referantur, sunt tamen scripta in coelo¹⁴⁷ — digna prorsus videbantur quae hic commemorarentur et, licet breviter, proponerentur, ut clarius appareret communis et benefica ab Ecclesia impensa opera erga emigrantes omneque genus exsules, religiosa, morali ac sociali adsistentia pro posse donatos.

Quod merito praedicandum erat nostra praesertim hac aetate cum Ecclesiae Matris provide coepta ab adversariis tam perperam oppugnantur et despecta negliguntur in ipsa caritatis provincia, quam prima aperuit apertamque haud raro sola excolere certavit.

III

Plura, quae novissimis hisce temporibus Nobis saepe significata fuerunt, quaeque insuper ex indicibus seu breviariis cotidie comperi licet, advenarum numerum in Europae, Americae et nuperrime Australiae regionibus ac in Insulis Philippinis succrescere testantur. Quod si multae consociationes ac nonnulla civilia instituta, sive ex una natione sive ex omnibus coalescentia, advenas adiuvere certatim contendunt ac in praesens contendunt, qua moralia qua materialia incommoda levando, Nos pro supremo ac universali apostolatus officio, quo fungimur, facere non possumus quin filios, in aerumnis ac exsilio calamitatibus constitutos, maxima dilectione prosequi pergamus omnique virium contentione, materialibus quidem adiumentis quatenus fas est haud neglectis, studeamus illos spiritualis praecipue adsistentiae ditare solacio.

Feliciter insuper accedit quod plures venerabiles Fratres Nostri Archiepiscopi et Episcopi, quos inter nonnulli Purpurati Patres accensentur, bono animarum compulsi, per venerabilem Fratrem Nostrum Adeo-

¹⁴⁵ Litterae Decretales, *Spiritus Domini*, 7 Iulii 1946, A. A. S., XXXIX, p. 41 s.

¹⁴⁶ Litterae Apostolicae. *Superiore iam aetate*, 8 Septembris 1950, A. A. S., XXXXIII, p. 455 ss.

¹⁴⁷ Cfr. Luc., X, 20.

datum Ioannem S. R. E. Cardinalem Piazza, Episcopum Sabinensem et Mandelensem, Sacrae Congregationis Consistorialis Secretarium, a Nobis expostulaverunt, ut nova ratio agendi ediceretur, quo aptius spiritualis alienigenarum cura in dioecesano moderamine ordinaretur.

Haec autem postulata cum sententia Nostra plane conveniunt: ardentem enim exoptabamus opportunam nancisci occasionem, qua Nobis tandem liceret unumquemlibet loci Ordinarium aptis instruere normis, a legibus Codicis Iuris Canonici non discrepantibus, sed earumdem menti atque consuetudini apprime respondentibus, eique opportunas dare facultates, ut alienigenis sive advenis sive peregrinis spiritualem posset praebere adscientiam necessitatibus haud imparem nec minorem, qua ceteri fideles in sua dioecesi perfruuntur.

Praeterea animarum saluti et ecclesiasticae disciplinae incremento valde profuturum censuimus si historicum conspectum breviter praebere-mus ex rebus saltem maioris momenti a Sancta Matre Catholica Ecclesia gestis ac ex normis, hucusque vigentibus, a saeculo undevicesimo ad finem vertente ad dies usque nostros in emigrantium curam traditis; ac potissimum si in unum digestas ediceremus leges praesentibus locorum temporumque circumstantiis accommodatas, veteribus normis ex parte abrogatis vel mutatis vel auctis, quibus satius providere intendimus emigrantium et advenarum omnium spirituali curae, quam peculiariter S. Congregationi Consistoriali, pro sua in fideles Latini ritus competentia, conceditam iugiter permanere volumus.

Ast primum iam supra protulimus, alterum vero infra conficiemus.

TITULUS ALTER

NORMAE PRO SPIRITUALI EMIGRANTUM CURA GERENDA

CAPUT I

De competentia S. Congregationis Consistorialis in emigrantes

Recognoscentes, adprobantes et confirmantes quae Decessores Nostri f. r., et praecipue B. Pius X, statuerunt, simul tamen eadem nonnihil, prout necessitas urgere videtur, immutantes, has quae sequuntur leges in posterum servandas volumus et decernimus.

1. - § 1. Sacrae Nostrae Consistorialis Congregationis est eidemque exclusive competit quaerere et ea omnia parare quae spirituali bono

cedant emigrantium Latini ritus quocumque pergentium, collatis consiliis cum Sacra Congregatione pro Ecclesia Orientali vel cum Sacra Congregatione de Propaganda Fide si agatur de adeundis territoriis quae sint isti vel illi Sacrae Congregationi subiecta.

§ 2. Sacrae item Consistorialis Congregationis est eadem quaerere et parare in favorem emigrantium Orientalium rituum, initis pariter consiliis cum Sacra Congregatione pro Ecclesia Orientali, quotiescumque emigrantes unius vel alterius ritus Orientalis loca petant eidem Sacrae Congregationi pro Ecclesia Orientali haud obnoxia nec praesto sit sacerdos proprii ritus.

2. - § 1. Sacerdotibus Latini ritus, si quando emigrent, unice cavebit Sacra Congregatio Consistorialis.

§ 2. Sacerdotes Latini ritus, Sacrae vero Congregationi pro Ecclesia Orientali aut Sacrae Congregationi de Propaganda Fide subiecti, migrari cupientes in territoria eisdem Sacris Congregationibus haud obnoxia, salvis quidem iuribus earundem Sacrarum Congregationum, stare quoque tenentur normis hanc in rem a Sacra Congregatione Consistoriali datis vel forte dandis.

§ 3. Quibus normis sese accommodare tenentur sacerdotes rituum Orientalium, emigrantes in territoria Sacrae Congregationis pro Ecclesia Orientali non subiecta, firmis legibus et integro manente iure eiusdem Sacrae Congregationis pro Ecclesia Orientali.

3. - § 1. 1° Unius Sacrae Congregationis Consistorialis est sacerdotibus, qui ex Europa vel Mediterraneis oris ad exterarum transmarinas regiones, per quodvis temporis spatium, sive breve sive longum sive indefinitum, aut in perpetuum, migrare desiderent, licentiam proficiscendi ibique manendi aut diutius commorandi concedere.

2° Nuntii, Internuntii et Delegati Apostolici eandem licentiam concedere poterunt sacerdotibus illius nationis, apud quam legatione stabili funguntur, dummodo huiusmodi facultas eisdem attributa sit et reservata.

§ 2. 1° Quam licentiam obtinere debent sacerdotes, de quibus in § 1 n. 1°, ut, servatis ceteris de iure servandis, alienae dioecesi in regionibus transmarinis incardinentur.

2° Eadem licentia religiosi quoque indigent, nisi agatur de iis qui a Superioribus ad alias religionis suae domus mittantur; pariterque exclaustriati durante exclaustationis tempore; necnon saecularizati ab Episcopo benevolo, sive pure et simpliciter sive pro experimento, recepti.

§ 3. Haec autem licentia, firmis ceteris legibus in decreto *Magni semper negotii*¹ statutis, ne concedatur nisi certo constet:

- 1° de bono oratoris vitae testimonio;
- 2° de iusta et rationabili migrandi causa;
- 3° de consensu tum Episcopi *a quo* discedit, aut Superioris si agatur de religiosis, tum Episcopi *ad quem* accedit;
- 4° de habito Sacrae Congregationis Concilii indulto si agatur de parochis, quoties absentia ultra duos menses protrahi debeat.

§ 4. Sacerdotes sive saeculares sive religiosi qui, obtenta licentia migrandi in aliquam regionem transmarinam, de una in alteram dicionem etiam eiusdem regionis demigrare desiderent, nova indigent licentia.

§ 5. Sacerdotes qui, his legibus non servatis, temere arroganterque demigraverint, incident in poenas eodem decreto *Magni semper negotii* latas.²

4. Una Sacra Congregatio Consistorialis apostolicum indultum concedere valebit, ad normam canonis 216 § 4 C. I. C., ut parocchiae pro diversitate sermonis seu nationis in commodum emigrantium constitui possint.

5. - § 1. Sacrae pariter Consistorialis Congregationis est:

1° Adprobare, constituto prius de oratoris vita, moribus ac idoneitate necnon de praestito ab Ordinario consensu, sacerdotes, sive saeculares sive regulares, qui incumbere cupiant in spiritualem curam emigrantium propriae nationis seu sermonis atque eorum qui iter maritimum arripiant aut in navibus quavis ratione versentur aut iisdem quoquo modo addicantur; illosque per peculiare rescriptum Missionarios emigrantium vel Cappellanos navigantium nominare, destinare, transferre, eorum a munere renuntiationem acceptare et, si casus ferat, destituere;

2° Eligere ac constituere, in qualibet natione, Moderatores seu Directores missionariorum emigrantium eiusdem nationis seu sermonis;

3° Eligere ac constituere Moderatores seu Directores cappellanorum navigantium;

4° Eos omnes moderari eisdemque invigilare, sive per locorum Ordi-

¹ S. C. CONSISTORIALIS, Decretum de clericis in certas quasdam regiones demigrantes, *Magni semper negotii*, 30 Decembris 1918, A. A. S., XI, pp. 39-43.

² L. c. III, 16, A. A. S., XI, p. 43: « Sacerdotes qui, his legibus non servatis, temere arroganterque demigraverint, suspensi a divinis ipso facto maneant: qui nihilominus sacris (quod Deus avertat) operari audeant, in irregularitatem incident: a quibus poenis absolvi non possint nisi a Sacra hac Congregatione ».

narios, sive per Delegatum ad opera de emigratione, sive per alios viros ecclesiasticos huic muneri deputandos.

§ 2. 1° Concessio rescripti, de quo in § 1 n. 1°, cum utroque Ordinario, *a quo et ad quem*, erit communicanda;

2° Moderatores seu Directores designatos Sacra Congregatio Consistorialis Episcopis nationis seu dicionis ad quam mittuntur cito significabit.

6. - § 1. Nostra autem auctoritate adprobantes peculiare coetus seu commissiones episcopales, pro spirituali emigrantium adsistentia pluribus in Europae et Americae dicionibus constitutos, initumque hoc provide consilium et in aliis regionibus haberi cupientes, statuimus ut sacerdotes qui, a Praesulibus designati, in huiusmodi coetibus a secretis munere perfunguntur, nomine Directoris operum de emigratione pro sua quisque natione, a Sacra Consistoriali Congregatione augeri queant.

§ 2. Ubi vero huiusmodi coetus nondum sint constituti, a Sacra Congregatione Consistoriali Director eligi poterit inter dicionis presbyteros ab Episcopis praesentatos.

7. - § 1. Quo vero opera pro emigrantibus navanda facilius evadat, praesentibus Litteris erigimus et instituimus apud praedictam Nostram Sacram Consistorialem Congregationem Summum Consilium de emigratione.

§ 2. Huiusmodi Consilio praesidebit Adsector ipsius S. Congregationis et secretarius aderit Delegatus ad opera de emigratione.

§ 3. In idem Consilium adscisci poterunt:

1° Sacerdotes illi qui, in sua natione seu dicione vel munere funguntur secretarii memoratae episcopalis commissionis pro spirituali advenarum adsistentia vel de Praesulum mandato in huiusmodi adsistentiam incumbunt;

2° Sacerdotes illi Romae degentes, sive saeculares sive regulares, qui rerum istarum peritia animarumque studio praestare videantur.

8. - § 1. Apud eandem Sacram Consistorialem Congregationem institutum volumus alterum coetum, seu Secretariatum Generalem Internationalem, ad moderandum Opus Apostolatus maris, cuius est potissimum sive spirituale sive morale commodum fovere maritimarum, eorum nempe qui gubernandi aut inserviendi gratia naves conscendant, vel portibus addicantur maritima itinera adparaturi.

§ 2. Huius Secretariatus moderamen, uti praeses, geret Adsector Sacrae Consistorialis Congregationis, Delegatus vero ad opera de emigratione secretarii munere fungetur.

§ 3. In Secretariatum autem cooptari poterunt :

1° Viri illi ecclesiastici qui in unaquaque dicione seu natione Directores huiusmodi operi ab Episcopis praeficiuntur ;

2° Ceteri sacerdotes qui, de eodem opere provehendo bene meriti, digno laudis testimonio sint cohonestandi.

CAPUT II

De Delegato ad opera de emigratione

9. - Apud Sacram Consistorialem Congregationem instituimus Officium Delegati ad opera de emigratione.

10. - § 1. Proprium Delegati est curare et fovere, iis omnibus auxiliis quae aptiora videantur, bonum, praesertim spirituale, fidelium emigrantium cuiusvis sermonis, stirpis, nationis, ac, servatis servandis, ritus ; initis ad hoc, si casus ferat, rationibus sive cum Nostra Secretaria Status, sive cum civilibus magistratibus et institutionibus.

§ 2. Hunc in finem Delegatus, nomine et de mandato Sacrae Congregationis Consistorialis opera et consilio favebit et adsistet omnibus consociationibus, institutionibus et operibus catholicis, sive internationalibus sive nationalibus, necnon — salvo iure Ordinariorum — dioecesanis et paroecialibus, quae idem prosequi intendant.

11. - § 1. Delegatus praeest missionariis emigrantium et cappellanis navigantium sive saecularibus sive regularibus eorumque Directoribus.

§ 2. Eisdem, de mandato Sacrae Congregationis Consistorialis, moderabitur, illis invigilabit et de iisdem referre non omittet.

12. - Delegati erit, praeterea, quaerere et praesentare Sacrae Congregationi Consistoriali sacerdotes, qui sese dedere cupiant spirituali curae emigrantium vel emigratorum, necnon eorum, qui iter maritimum arripiant vel quavis de causa in navibus versentur aut iis addicantur.

13. - § 1. Sacerdotes, ad hoc munus adprobatos et per rescriptum Sacrae Congregationis Consistorialis nominatos missionarios emigrantium vel cappellanos navigantium, Delegatus ad missionem vel ad navem mittet.

§ 2. Hos autem Delegatus auxilio, quo indigent, sive directe et immediate per semetipsum, sive indirecte et per interpositos ecclesiasticos viros, potissimumque per Directores, sedulo iuvabit.

14. - Delegatus certiores faciet Ordinarios locorum et Directores de emigrantibus mox adventuris.

15. - Delegatus provehere et moderari studebit ea omnia quae diei annuatim pro emigrantibus celebrandae incrementum conferre videantur

16. – In fine cuiuslibet anni, de statu materiali et spirituali missionum et de observantia ecclesiasticae disciplinae ex parte missionariorum emigrantium et cappellanorum navigantium, Delegatus relationem conficiet et Sacrae Congregationi Consistoriali exhibebit.

17. – § 1. Abolamus igitur et supprimimus ac hisce Apostolicis Litteris abolitum et suppressum declaramus Officium Praelati pro Italis emigrantibus.³

§ 2. Pariter a suo munere omnino cessasse declaramus Visitatores vel Delegatos cuiuslibet sermonis seu nationis, in bonum spirituale fidelium in Europae vel Americae regiones demigratorum vel profugorum, antea constitutos.

CAPUT III

De Directoribus, de missionariis emigrantium et de cappellanis navigantium

18. – § 1. Missionarii emigrantium et cappellani navigantium eorumque Directores suo munere funguntur sub moderamine Sacrae Congregationis Consistorialis eiusque Delegati ad opera de emigratione.

§ 2. Munus missionarii emigrantium et cappellani navigantium officiumque Directoris excardinationem non parit nullamque dat exemptionem sive a proprio Ordinario aut Superiore regulari sive ab Ordinario loci in quo missionarium et cappellanum versari contingat.

19. – Directores missionariorum emigrantium et cappellanorum navigantium nullam iurisdictionem sive territorialem sive personalem, vi muneris, exceptis tamen iis quae infra recensentur, exercere valebunt.

20. – Ius et officium Directoris est potissimum :

1° Rationes inire cum Episcopis nationis seu dicionis in qua missionarii stabiliter commorantur de iis omnibus, quae bonum spirituale immigratorum suae nationis seu sermonis respiciant.

2° Missionarios aut cappellanos, salvo Ordinarium iure, moderari.

21. – § 1. Debet igitur Director inquirere :

1° Num missionarii aut cappellani vitam ducant ad normam sacrorum canonum suisque officiis diligenter satisfaciant ;

2° Num iidem decreta a Sacra Congregatione Consistoriali et ab Ordinario loci lata rite exsequantur ;

3° Num decor et nitor ecclesiarum vel cappellarum vel oratoriorum

³ S. C. CONSISTORIALIS, Notificazione circa la costituzione di un Praelato per l'emigrazione italiana, *Esistono in Italia*, 23 ott. 1920. A. A. S., XXI, pp. 534-535.

et sacrae suppellectilis, maxime in custodia Sanctissimi Sacramenti et in Missae celebratione, accurate servantur;

4° Num sacrae functiones secundum praescripta legum liturgicarum et decretorum Sacrae Rituum Congregationis celebrentur; bona ecclesiastica diligenter administrentur adnexaque illis onera, in primis Missarum, rite impleantur; recte conscribantur et asserventur libri paroeciales, de quibus sub n. 25 § 3 et n. 35 § 2.

§ 2. De iis omnibus ut certior reddatur, Director debet missiones aut naves frequenter visitare.

§ 3. Pertinet etiam ad Directorem, statim ac resciverit aliquem missionarium vel cappellanum graviter aegrotare, operam conferre ne spiritualibus ac materialibus auxiliis, honestoque funere si quis decesserit, careat; et curare ne, eo aegrotante vel decedente, libri, documenta, sacra supellex aliaque ad missionem pertinentia depereant aut asportentur.

22. - Director ob iustas causas a Sacra Congregatione Consistoriali adprobandas, universos missionarios aut cappellanos, sicubi liceat, convocare poterit, praesertim ut una simul exercitiis spiritualibus iidem vacare queant vel collationibus interesse de aptioribus ministerii sui rationibus ineundis.

23. - Semel saltem in anno rationem missionariorum aut cappellano-
rum necnon status missionum Sacrae Congregationi Consistoriali Director fideliter reddat; exponatque non solum quae intra annum bene gesta sint, sed etiam quae mala obrepserint, quae remedia ad ea reparanda sint adhibita et quidquid agendum videatur ad incrementum missionum fovendum.

24. - Missionarii emigrantium in curam spiritualem fidelium sui sermonis seu nationis incumbunt sub iurisdictione Ordinarii loci iuxta normas quae infra in capite IV proponuntur.

25. - § 1. Proprium est cappellanorum navigantium, itinere maritimo perdurante, curam animarum gerere, excepta re matrimoniali, eorum, qui quavis de causa in navi versentur.

§ 2. Cappellani, firmo praescripto can. 883 C. I. C., peculiaribus normis ac facultatibus a Sacra Congregatione Consistoriali instruantur.

§ 3. Conficere tenentur insuper libros baptizatorum, confirmatorum, et mortuorum, quorum exemplar, una cum relatione de rebus gestis, in fine cuiuslibet maritimi itineris suo Directori exhibebunt.

26. - Si in navi oratorium legitime exstet, cappellani navigantium, congrua congruis referendo, rectoribus ecclesiarum aequiparantur.

27. - § 1. Cappellani possunt officia divina etiam solemnia in navis ora-

torio celebrare sartis tectisque legibus canonicis et liturgicis et cauto ut eadem horis navigantibus commodioribus absolvantur.

§ 2. *Iidem* :

1° Dies festos navigantibus denuntient;

2° Catecheticam institutionem, praesertim adolescentibus, et Evangelii explanationem tradant.

28. – Cappellani navigantium advigilent :

1° Ut in oratorio divina officia ad sacrorum canonum praescripta ordinate celebrentur et sacerdotibus Missam celebrantibus, quovis amoto periculo effusionis sacrarum Specierum e calice, alter sacerdos, si adsit, superpelliceo indutus adsistat;

2° Ut sacrae suppellectilis conservationi et eiusdem oratorii decori prospiciatur;

3° Ne quidpiam fiat quod sanctitati loci ac reverentiae domui Dei tribuendae quoquo modo repugnet, neve oratorium aut altare aut sacra paramenta sectis acatholicis inserviant.

29. – § 1. Sine cappellani licentia, saltem praesumpta, nemini licet in oratorio navium Missam celebrare, sacramenta administrare, conciones habere aliasve functiones sacras peragere.

§ 2. Haec vero licentia dari vel negari debet ad normam iuris communis.

30. – Ius erigendi et benedicendi oratorium in navi spectat ad Ordinarium loci cuius territorio adhaeret portus in quo navis habitualiter consistit.

31. – Missionariis et cappellanis permittitur, de consensu Directoris, et insuper Superioris si agatur de religiosis, per unum mensem intra annum a missione aut a navi abesse, dummodo emigrantium aut navigantium necessitatibus sit provisum per sacerdotem Sacrae Congregationis Consistorialis idoneo rescripto instructum; idem permittitur Directoribus de licentia Sacrae Congregationis Consistorialis, necnon de consensu Superioris si agatur de religiosis, dummodo sui loco reponere valeant substitutum ab eadem Sacra Congregatione adprobandum.

CAPUT IV

De cura animarum ab Ordinariis locorum in alienigenas exercenda

32. – Quod autem peculiariter spectat ad curam animarum pro alienigenis quibuscumque, sive advenis sive peregrinis, ab Ordinariis locorum gerendam, quotiescumque, ob unam alteramve causam, minime expe-

dire videbitur ad Sacram Congregationem Consistorialem recursus ad obtinendum indultum erectionis paroeciae pro diversitate sermonis seu nationis, statuimus ut in posterum locorum Ordinarii haec quae sequuntur praecepta servanda sedulo curent.

33. – Quilibet loci Ordinarius spirituales alienigenarum seu immigratorum curam committere enixe contendat sacerdotibus, sive saecularibus sive regularibus, eiusdem sermonis seu nationis, nempe missionariis commigrantium, peculiari Sacrae Congregationis Consistorialis mandato, ut supra, praeditis.

34. – Quilibet pariter loci Ordinarius enitatur concedere iisdem missionariis emigrantium potestatem exercendi curam animarum in fideles advenas seu peregrinos eiusdem sermonis seu nationis, audita Sacra Congregatione Consistoriali ceterisque servatis de iure servandis.

35. – § 1. Missionarius emigrantium huiusmodi potestate praeditus, in gerenda cura animarum equiparatur paroco; et ideo iisdem facultatibus in bonum animarum potitur ac oneribus adstringitur, congrua tamen congruis referendo, quibus parochi fruuntur ac tenentur ad normam iuris communis.

§ 2. Idem proinde, prae ceteris, paroeciales habeat libros de quibus in can. 470 C. I. C., quorum authenticum exemplar in fine cuiuslibet anni ad parochum loci et ad suum Directorem transmittet.

36. – § 1. Huiusmodi paroecialis potestas est personalis, in alienigenarum seu immigratorum personas dumtaxat exercenda.

§ 2. Eadem aequo iure cum potestate parochi loci est cumulata, etiamsi exerceatur in ecclesia seu cappella vel oratorio publico aut semipublico, missionario emigrantium concredit.

37. – § 1. Ad exercitium sacri ministerii unicuique missionario emigrantium aliqua ecclesia seu cappella vel oratorium publicum aut semipublicum, quatenus fieri poterit, assignetur.

§ 2. Secus loci Ordinarius normas constituat quibus eidem missionario emigrantium fas sit, libere et plene, suo muneri satisfacere in alia ecclesia, paroeciali non excepta.

38. – Missionarii emigrantium, durante munere, plene subiacent iurisdictioni Ordinarii loci, tum quoad exercitium sacri ministerii, tum quoad disciplinam, secluse quovis exemptionis privilegio.

39. – Unusquisque alienigena, sive advena sive peregrinus, plena potitur facultate adeundi, sacramentorum causa, matrimonio non excepto, missionarium emigrantium sui sermonis aut parochum loci.

40. – Advenarum seu peregrinorum nomine, ad effectum de quo agitur, veniunt:

1° Omnes alienigenae — non exceptis iis qui ex coloniis migrarunt — per quodcumque temporis spatium, quavis de causa, studiorum quoque, in alieno territorio versantes;

2° Eorum descendentes in primo gradu lineae rectae, etiamsi nationalitatis iura acquisierint.

CAPUT V

De spirituali adsistentia ab Episcopis Italiae praestanda emigrantibus

41. — Quum haec Apostolica Sedes prae aliis maxime consueverit vigilare pro Italis, quorum frequentior quam ceterorum migratio est,⁴ praesentibus Apostolicis Litteris confirmamus et compertae Nobis Episcoporum Italicorum navitati ex corde commendatas cupimus peculiare illas normas quas Decessores Nostri ediderunt de Italis ad externa peregre emigrantibus; hancque nacti occasionem, praefatos locorum Ordinarios vehementer hortamur ut vota Nostra adimplere satagant.

42. — Prae oculis habeant, tanquam canonem suscipiendi ac perficiendi laboris, verba illa quibus Beatus Pius X comitatus et patronatus, sic commendabat: « ... per Italiam comitatus, quos vocant, et patronatus, emigrantium causa, bene multi extiterunt, aliaque id genus ab Episcopis, aliisque de Clero, atque ab ipsis laicis, viris egregie munificis, christianaeque sapientiae perstudiosis, instituta ».⁵

43. — Curent igitur Ordinarii ut, ipsis auctoribus ipsisque rectoribus, cooperantibus autem sodalibus Actionis Catholicae, ceterorumque catholicorum coetuum pro religiosa, morali et sociali artificibus et operariis adsistentia, comitatus de emigratione et subcomitatus instituantur, idque praesertim in dioecesibus unde frequentior habeatur emigrantium exodus.

44. — Pariter vigilant, qua decet alacritate, ut sic instituta de emigratione consilia, demandata munera rite adimpleant, quodque expetitur, animarum nempe salutem, consequi contendant.

45. — § 1. Ne omiserint Ordinarii locorum commendare parochis, ut has sui ministerii partes sueta diligentia obeuntes, praecavendos curent fideles contra spiritualia pericula quae usque a primo de domo, de familia, de patria discessu, instare solent.

⁴ B. PIUS X, Motu proprio, De Italis ad externa emigrantibus, *Iam pridem*, 19 Martii 1914, A. A. S., VI, pp. 173-176.

⁵ L. c. p. 174.

§ 2. Hunc in finem parochi congruentem catechetica institutionem fidelibus mox demigraturis sedulo tradant.

46. - Ordinarios pariter ne pigeat exhortari parochos, ut fideles suos demigratos pastoralis sollicitudine prosequi usque pergant.

47. - Religiose servantur ea quae a Sacra Consistoriali Congregatione praecipiuntur: « Italiae Ordinarii praesertim opera parochorum sive patronatum qui de emigrantibus curam habent, satagant ut peregrini seu emigrantes muniantur, antequam discedant, tessera ecclesiastica ». *

48. - Enituntur pro viribus, iisque adhibitis rationibus quae utiliores videantur, ut prospere feliciterque cedant tum dies pro Italis emigrantibus annuatim celebranda, tum stipis collectio pro spirituali emigrantium adistentia, Sacrae deinde Consistoriali Congregationi tradendae.⁷

49. - § 1. Gratulantes Ordinariis illarum dioecesium extra Italiae fines, sive in Europa sive in regionibus transmarinis exstantium, qui nationalibus vel dioecesanis operibus et consiliis vel comitatibus enituntur ut praesto sint adiumenta spiritualia et moralia universis alienigenis, quos etsi hospites ut sui gregis fideles amplexati sunt, ab iis expetimus, ut in paroeiis ubi cuncti vel plerique sint fideles qui ad Italiam gentem pertineant, diem pro Italis emigrantibus iuxta normas pro Italis Ordinariis n. 48 statutas, annuatim celebrent pecuniamque collecticiam ad Sacram Congregationem Consistorialem ad fovenda opera pro Italis demigrantibus remittendam curent.⁸

§ 2. Quod, congrua congruis referendo, pariter fieri poterit pro emigrantibus aliarum nationum seu sermonum ita ut uno eodemque tempore, nempe Dominica prima Adventus, dies pro emigrantibus in toto catholico Orbe celebrari queat.

50. - Velint tandem Italiae Ordinarii parochos opportune urgere ut unam Missam per annum ad mentem Summi Pontificis potius quam pro populo applicent; eosque exhortari ut assidue libenterque hanc commutationem peragant in bonum Italorum emigrantium cessuram.

* S. C. CONSISTORIALIS, Communicatio, 26 Ianuarii 1923, A. A. S., XV, pp. 112-113.

⁷ S. C. CONSISTORIALIS, Litterae circulares ad Rmōs Ordinarios Italiae, de spirituali emigrantium cura, 6 Decembris 1914, A. A. S., VI, p. 699 s.

⁸ S. C. CONSISTORIALIS, Litterae ad Rmōs Americae Ordinarios, 22 Februarii 1915.

CAPUT VI

De Pontificio Collegio Sacerdotum pro Italis ad externa emigrantibus

51. - Collegium Nostrum Sacerdotum pro Italis ad externa emigrantibus institutum ⁹ recognoscimus et confirmamus.

52. - § 1. Idem Collegium permanere volumus — cauta tamen iurisdictione Cardinalis in Urbe Vicarii — sub dependentia Sacrae Congregationis Consistorialis.

§ 2. Sacrae ipsius Congregationis Consistorialis erit:

1° Collegium moderari eique vigilare sive quoad observantiam disciplinae sive quoad rem familiarem et administrationem bonorum temporalium;

2° Eidem leges dare;

3° Rectorem ceterosque Officiales eligere.

53. - Quum peculiaris Collegii finis, praeparare scilicet iuniores Italos sacerdotes e clero saeculari ad Italos in peregrinas regiones migrantes honeste et religiose excolendos et iuvandos,¹⁰ undequaue cohaereat cum fine Piae Societatis Missionariorum a Sancto Carolo pro Italis emigratis, indulgemus ut Rector ceterique moderatores et magistri seligantur inter sacerdotes eiusdem Piae Societatis, cui proinde Collegium ipsum ad beneplacitum Nostrum libenter concedimus, firmis tamen quae sub numero praecedenti statuuntur.

54. - Praecipimus insuper ut in posterum nulli sacerdoti committatur spiritualis cura fidelium Italorum emigrantium quin per congruens temporis spatium in praefato Collegio apte sit institutus et animi mentisque virtutibus, doctrina, sermonum peritia, prospera valetudine aliisque dotibus tanto muneri par agnitus fuerit.

55. - Meminerint Episcopi, praesertim illarum dioecesium unde plures emigrantes discedunt, rem religioni valde profuturam Nobisque pergratam se facturos si iuvenes sacerdotes, virtute studioque animarum praestantes, qui sese totos operibus pro emigrantibus dedere cupiant, ad praefatum Collegium mittere non renuent.

56. - In ceteris, tandem, emigrationis extra Italiam locis seu nationibus, ubi conveniens forte desit emigrantibus catholicis illius nationis

⁹ B. PIUS X, Motu proprio, De Italis ad externa emigrantibus, *Iam pridem*, 19 Martii 1914, A. A. S., VI, p. 173 ss.; S. C. CONSISTORIALIS, De Pontificio Collegio Sacerdotum pro Italis ad externa emigrantibus, Notificatio, *Sacerdotum Collegium*, 26 Maii 1921, A. A. S., XIII, p. 309 ss.

¹⁰ S. C. CONSISTORIALIS, *Collegio de' Sacerdoti per gli emigranti Italiani. Regolamento generale*, 24 Giugno 1914.

spiritualis adsistentia, utiliter procul dubio consulere valebunt Ordinarii si, pro peculiaribus locorum rerumque adiunctis, relatum pro Italis demigrantibus agendi rationem, diserte in Romanorum Pontificum actibus evulgatam Nobisque in praesens probatam, sollicitè inibunt.

Haec, igitur, tota rei causa graviter considerata atque etiam Decessorum Nostrorum exemplis permoti, praehabita sententia venerabilis Fratris Nostri Adeodati Ioannis S. R. E. Cardinalis Piazza, Episcopi Sabinensis et Mandelensis, Sacrae Congregationis Consistorialis a Secretis, statuimus et praescribimus, decernentes praesentes has Litteras et in eis contenta quaevis, etiam ex eo quod quilibet in praemissis ius vel interesse habentes, vel habere praetendentes quomodolibet illis non consenserint, nec ad ea vocati sive auditi fuerint, aut ex quibusvis aliis causis, impugnari minime posse, sed easdem semper ac perpetuo firmas, validas et efficaces exsistere et fore, suosque plenarios et integros effectus sortiri et obtinere, ac iis ad quos spectat et pro tempore spectabit suffragari, et ab eis respective et inviolabiliter observari debere, ac irritum et inane si secus super his a quolibet, quavis auctoritate, scienter vel ignoranter, contigerit attentari.

Non obstantibus, quatenus opus sit, per Romanos Pontifices Praedecessores Nostros editis Constitutionibus et Ordinationibus Apostolicis, ut supra, ceterisque etiam individua ac specialissima mentione et derogatione dignis, contrariis quibuslibet.

Nulli ergo hominum liceat hanc paginam Nostrae constitutionis, ordinationis, abrogationis, mandati, innodationis, admonitionis, inhibitionis, praecepti, voluntatis infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei, et beatorum Petri et Pauli Apostolorum Eius se noverit incursurum.

Datum ex Arce Gandulphi, apud Romam, anno Domini millesimo nongentesimo quinquagesimo secundo, die prima mensis Augusti, in festo S. Petri Apostoli ad Vincula, Pontificatus Nostri anno quartodecimo.

PIUS PP. XII

LIBRERIA EDITRICE VATICANA

BRUNO Card. IOSEPH

CODICIS IURIS CANONICI INTERPRETATIONES AUTHENTICAЕ

seu responsa a Pontificia Commissione ad Codicis canones authentice interpretandos data et in unum collecta, atque Romanorum Pontificum actis et Romanae Curiae decisionibus aucta

Vol. I - ab anno 1917 ad annum 1935, in-8° (pag. viii-228). - L. 300 (\$ 1).

Vol. II - ab anno 1936 ad annum 1950, in-8° (pag. viii-120). - L. 300 (\$ 1).

ORDO IN CONCILIO PLENARIO SERVANDUS

anno 1946, in-8° (pag. 75). - In Italia L. 150. Extra Italiam \$ 0,50.

PETRI Card. GASPARRI

TRACTATUS CANONICUS DE MATRIMONIO

Editio nova ad mentem Codicis I. C. - Vol. I, pp. 472 - Vol. II, cum alligatis. In brochure, pp. 620
L. 700 (\$ 1,50).

CATECHISMUS CATHOLICUS

In-12, pp. 488 - In Italia L. 100 - Estero \$ 0,40

Sac. ALAPHRIDUS OTTAVIANI

INSTITUTIONES IURIS PUBLICI ECCLESIASTICI

EDITIO TERTIA

Vol. I, *Ecclesiae constitutio socialis et potestas*, pp. xvi-452. 1947. Lib. 1000 (\$ 2)

Vol. II, *Ecclesia et Status*, pp. vii-497. 1948. Lib. 1000 (\$ 2)

COMPENDIUM IURIS PUBLICI ECCLESIASTICI

in usum Auditorum S. Theologiae, pp. viii-504, Editio altera, iterum impressa, 1948
L. 800 (\$ 1,60)

ORDO DIVINI OFFICII RECITANDI SACRIQUE PERAGENDI IUXTA KALENDARIVM UNIVERSALIS ECCLESIAE PRO ANNO DOMINI 1953

Lit. 250 - (\$ 0,40)

ORDO DIVINI OFFICII RECITANDI SACRIQUE PERAGENDI PRO CLERO SAECULARI ROMANO

PRO ANNO DOMINI 1953

Lit. 280 (\$ 0,50)

CODEX IURIS CANONICI

Volumina pro varia forma pretium:

editio in-32° (cm. 8×12), volumen ex charta indica, linteo anglico. contextum cum titulo aureo
Lit. 1300 (\$ 2,50);
editio in-12° cum Fontium annotatione (cm. 12,5×19,5), volumen solutum Lit. 1200 (\$ 2,20) Linteo
contextum Lit. 1500 (\$ 3);
editio in-18° (cm. 9,5×15), volumen solutum Lit. 700 (\$ 1,30). Linteo contextum Lit. 1000 (\$ 1,80);
editio in-8°, cum Fontium annotatione (cm. 16,5×26), volumen solutum Lit. 800 (\$ 1,50).

LIBRERIA EDITRICE VATICANA
CITTÀ DEL VATICANO

Proxime prodibit:

MISSALE ROMANUM

EX DECRETO SACROSANCTI CONCILII TRIDENTINI
RESTITUTUM SUMMORUM PONTIFICUM CURA RECOGNITUM

EDITIO SEXTA POST TYPICAM

ed. in-4° (cm. 20,5 × 28)

ed. in-8° (cm. 18,5 × 25)

pp. 992

Typi clarissimi rubri et nigri. Charta manufacta, eburneata.

In festis principalioribus imagines et litteræ initiales novæ, tribus conspicuæ coloribus; item tabula, octo coloribus. Religionis genus varium, solidum, venustum.

Apparatus signaculorum pro singulis exemplaribus.



Præcedentis typicæ editionis hæc est fidelis reimpressio, nonnullis tantum in practicum utentium commodum prudenter additis; quæ inter, hæc notanda veniunt:

Missarum titulis additus est ritus solemnitatis seu festi. Binæ « Tabulæ orationum » compositæ sunt, quibus colliguntur « Orationes pro diversitate temporum assignatæ ».

Eliminatæ sunt, quoad fieri potuit — præsertim pro commemorationibus — remissiones ad alia loca.

Appendicis instar, in fine voluminis, dispositæ sunt Benedictiones ex Pontificali et Rituali R. excerptæ.

In Missæ præparatione et gratiarum actione, itemque in ritu absolutionis ad tumulum ex Rituali R., psalmi relati sunt iuxta novam interpretationem.

Textus orationis ante Missam « Summe Sacerdos », ad normam criticæ editionis redactus est.

Nulla in ritu Sabbati Sancti facta est mutatio.

Reliqua omnia immutata remanent, præter quædam accidentales emendationes, ad lectoris utentis magis practicum usum.

TYPIS POLYGLOTTIS VATICANIS

